

纂脩肥城縣志序



志者紀事之書然不徒為紀
事之書也先王建邦啟土使
司牧之寄以山川社稷曰其罔
時怨罔時恟哉錫以土地人氏
曰其有以震者有以教哉故守

茲土者風氣敏慎成民而致
力於神俾山川以奠人民以
和道渙以一風俗以同於是載
之於志垂於無窮是紀山川
土田紀守山川土田高也紀
人物風俗紀治人物風俗著

也而且紀忠孝節義紀其足
以垂法萬世興起人以為也
纂脩高鳥容已哉然而雅
言之矣古列國之有史也皆
有史官以掌其事漢唐以來
惟守命之賢者自為之或數

十年而一見或數百季而一
見則徵文考獻之難也昔至聖
因魯史作春秋或數百季
指教子後世得其意如此豈
網目而已非向史外傳以要
則萃削之難也乃於雜人心

風教者直與日月爭光仰體
至聖筆削之為以垂訓於世
夫豈伊人爭歟肥邑周之肥
子國也繁稻無志肉教明隆
慶壬申歲邑侯顧公與中丞
同州李公編輯志成至崇禎

崇禎末兵荒頻仍簡復淪次比

大清受象

世祖禹造

皇上龍飛屈指三十年來世治或
安化行俗變急需纂修著編且
待於其人多已角之歲我

侯為公剏造書院遠聘泰山
還朴孝先生多士向化著
身心體能克復教備諸從
及得解籍教多之楷履
孝侍函甲公止以肅清君
側為心所以功名自為念也

觀其劾嚴相上疏至於廷
杖回以藉洵人所不可言也又
尹公諱東園歷任蜀漢一切續載
著書甚多祀前朝又諱勳者
高尚不仕及以名上疏以
此類周不羅列豈能以興

文台尹公以翎運名世來守是
邦政簡刑清愛民如土誠吾
之父母國之循良也閱三年頌
聲洋溢百及維新因慨然于
縣志之漏失也欲力為纂脩求
之舊簡以蕩然無存幸有

李君手輯藏本在焉孝君
諱運昌因川中垂之苗裔
好學力行念先中丞殫心
志思密承久乃未百年而
闕且君大出鄭氏苦節古
年存身旌表已列入縣志
舊

簡既安遂無可稽矣力能
祖武嘉思永言於是旁搜博
采舉邑之忠孝節義無弗志
焉舉山川土田人物風俗之
弗紀焉積數載而書成秘之
地中所以俟千百年之掌故

也

尹公取至書而考其劑之欲自唐
虞以迄今茲凡山川土田人與
貢賦多寡草木條分類析罔
不畢載至於名宦鄉賢忠
孝節烈尤統之叙得如如明邑

感人心於無窮乎夫以公之
胸藏二酉孝播五丁允足駕
龍門而轉括夙躬登朝翼
聖天子永清土宇登教舉敷日
後光纂定

列祖寔繁諸太史輻直東觀躬

肥邑故寔為史一統志先賢
以詔系世豈區區郡邑云哉
予世居豸下族為瓜瓞家在
肥邑土田室廬半在肥邑邑
風俗淳樸予南門習靜強
字必在肥邑是以獲讀此志

而知志之所由成也因特表而
出之以候繼起之君子為謹
昔

大清康熙壬子仲冬日長至

賜進士

欽命總督倉場戶部右侍郎加

一級致仕王度謹識



重脩肥城縣誌序

皇帝十有一年令天下郡國各上所
誌書彙輯編摩用成垂世大典
甚盛舉也肥邑舊有誌兵燹之
後版籍蕩然且

聖王建極百度維新三十年來制作
大備誌其事者必端委詳明通
達條暢是非利害瞭如指掌始
可備考核而傳以遠誠未可勝
任而愉快也邑人楚令尹公以

投閒與王李二生究心此道者
有素李生又爲中丞同川公齋
家有藏書筆無滯義本青細之
業業形管之筆去留取舍自可
信而可傳也付之殺青不亦文

獻之足徵者乎昔人云為政者
必有關雉麟趾之意然後可以
行周官之法度余亦曰作令者
必體戒石十六言之意然後可
以纂一邑之全書余蓋用是惕

然矣

昔

康熙十一年歲在壬子臘矣

士出身文林郎知肥城縣事棘
津尹任書於自公堂

賜進

重脩肥城縣誌序

邑之有誌以傳信也以示公也以鑒往
而詔來也故必使一邑之事燦若列
箸而後萬世之下瞭如指掌所望名
流博物藝者有道仁人表章而脩明
之則今之視昔古猶後之視今已烏



可以闕畧而弗敘湮沒而不彰乎昔孔
子作春秋整亂絕絕是以筆則筆削
則削游夏不能贊焉秦火而後浸以流
失所以綱目之作遠紹獲麟也縣誌之脩
詎易言哉肥邑介在齊魯間相傳為
赤子采田竊其琴鳳山猶存遺蹟云故

明隆慶壬申邑侯顧公與中丞同川
李公遠稽近取彙輯成書山則牛嶺
陶麓川則清河泉源壇小南北戶列
軍民至若上中下山土別四則焉忠孝
節義風餘三古焉川及縣治學子官名
宦人物班可考而知也無何而兵荒

疊見舊簡云亡即有一二家藏未見
金瑜我

皇清足昇時移勢易不無通變之制如
田則改為一例軍則裁併衛以藉賦稅
獨照萬曆為則而明末加派者悉除
焉固有不存盡仍其舊者

聖天子御極以來酌古準今纂脩刪定可
云集百代之大成矣乃以

國史告竣俾天下郡國具圖以上用脩
採覽然則縣誌之脩雖一邑記載所係
而亦黼黻

皇猷日以見端者也我

父台尹公以名世之才暫試花封三載
內惠政清風已見百廢具舉復於懸
魚酌水之暇慕公羊穀梁之意余亦退
食於家得以從事其際日與二三同志
闔邑師儒理舊緒而更新之然後斷者
續闕者補遂稱完璧焉矧以前朝先

御史祖忠耿立朝劾權相擢龍鱗昭
然在人耳目先大夫著績蜀滇之間名
列鄉賢載在祀典又何敢不勉為績
貂以自附於邑人士歟爰僭數言以紀
巔末庶足備後之觀風者採擇焉
昔

康熙壬子嘉平月之吉

文林郎原任湖廣永州府永明縣知縣
已卯科舉人邑人尹足法謹序



肥城縣誌目錄

四境圖 城治圖 縣治圖 學治圖 凡例

星野 地理 疆域 形勝 山川

泉洞 鄉社 風俗 城池 公署

縣署 廟祠 武備 舖舍 倉場

津梁 市鎮 城集 鄉集 坊牌

人丁 地糧 馬政 物產 學校


人物 孝友 貞烈 耆壽 選舉

武功 書院 亭臺 景致 陵墓

寺觀

詩文

災異




城治之圖

文廟

文廟

縣




司倉
司庫
司獄

縣丞
縣尉
司戶
司農
司兵
司刑
司馬
司民
司子
司獄
司倉
司庫
司獄
司倉
司庫
司獄

南門
保障

邑

社稷壇



城隍廟


縣丞
縣尉

縣丞
縣尉


北門

保障

縣治之圖



學治之圖



肥城縣誌書

允例

一邑志歷年彌遠往蹟既湮來者莫續愈傳愈失其真今特據舊本並求訪採輯之竊惧荒陋遺誤俟後君子

一人物直紀行事實蹟未敢過揚俟日久論定也

一分其類爲綱列其事爲目皆大書之其事下釋文則分註以便觀覽

一詩文惟叙世次之先後而工拙不計蓋直書事狀

羊存而禮可復若詞掩其實及文義不可曉者皆點而不錄

星野

周禮保章氏以星土辨九州之地所封封域皆有分星以觀妖祥古志載肥城屬角亢之次說者謂人事動于下則天變應于上感應之機捷如影響司茲土者尚慎所守乎

地里

唐虞始奠山川以別九州任土作貢書云濟河惟兗

州按肥城在濟河故道間為兗州分域

夏禹兗州之域兗州之域東南據濟今濟水在境內

周封肥子國

春秋為齊地春秋魯襄公會諸侯伐齊禦諸平陰即此處也

戰國屬魯梁惠王二十年齊閔王築長城為界肥在界南十五里

西漢置肥城縣屬泰山郡

東漢及晉省入盧縣今長清縣光武中與裁省天下四十州縣而肥在所省矣

南北朝魏置東濟北郡宋置碭碭戍後屬濟北郡據通鑑碭碭即濟州

後周復置肥城縣

隋煬帝初復屬濟州

今濟寧州

唐武德四年屬東萊州貞觀元年州廢省入博城屬
兗州宋省入平陰縣屬鄆州 今東平州 金因之

元至元十二年割平陰沙溝等五鎮孝德四鄉復置
肥城縣屬濟寧路

明朝吳元年歸附洪武元年仍隸濟寧路三年改屬
濟南府至今仍舊

疆域

先王建國親侯分封自有憲制無非杜兼併別司守
也肥城疆域前代廣狹難稽今日之制可無志乎

縣治在濟南府西南一百六十里東至泰安州魚池
保界二十五里至州九十里西至平陰縣大留村界
四十五里至縣七十里南至泰安州尚家庄界六十
里至寧陽縣一百二十里北至長清縣五道嶺界二
十里至縣九十里東北至長清縣靈巖寺界六十里
西北至茌平縣潘家店界九十里到縣二百里東南
至泰安州曠洞村界五十里到泗水縣二百里西南

至東平州丁家瀉界六十五里至州一百二十里摠
計東西廣七十里南北袤八十里北至
京師一千二百里

形勝

按肥城古巖邑岱宗峙其左陶牛環其右南面汶河
北枕五嶺群山拱抱林麓鬱森齊魯之要害南北之
通衢也

山川

五嶽四瀆天下之望也名山大川一邑之望也肥城
雖儉於百里聯岱嶽而接汶水載在一統志及邑乘
者何限境內之勝槩可知也

金牛山在城西八里宋真宗曾駐蹕於此又封爲鬱
葱山高聳蒼翠雲樹深鎖內有資聖院山半有池相
傳龍潛其中歲旱禱雨輒應

陶山在城西三十里相傳越范蠡變姓名爲陶朱公
浮海出齊間行隱此故名

鳳凰山在城南四十里漢章帝元和二年鳳凰集於
此故名

孝堂山在城西北六十里上有石屋漢孝子郭巨墓
母之所故名

塔山在城東六七里上有石塔因名崇寧二年鄉人
建玉皇廟於上又名玉皇山

孤山在城東十里孤峭特起山嶺有穴深不可測又
名谷山

寨山在城東北十五里巔有十寨舊蹟又名張山寨
周山在城南二十五里世傳此處有周王墓故名

石屋山在城東南二十里山頂有石屋故名

虎門山在城南四十里形似虎下有虎洞故名

七佛山在城西南六十里上有石佛七碑文見存

馬頭山在城南四十里山形似馬故名

瀑布山在城南四十里上有天井峪

了髻山在城南四十里有二尖似髻故名

柱子山在城南四十里下有柱子村故名

紫榆山在城南三十五里

狼山在城西南五十里見有狼山屯

担子山 高王山 龍鳳山 龍巒山 考山

九仙山 石白山 白庙山 馬騾山 黑虎山

迷山 吳起山 望高山 獨龍山 荆山 雲山

鳳山 以上諸山俱無險要故畧

五道嶺在城北十五里其嶺凡五道

杏木嶺在城東南十五里

橫嶺在城南四十里

孫家嶺 白石崖 青石崖 書堂嶼 櫻桃嶼

冬冬嶼 孤山河

康王河在城東池外源出城北山

肥河在城南八里源出泰安西南隨地得名

大清河在城西北七十里即濟水俗呼鹽河南販魚

鹽舟楫往來不絕

衡魚河在城西南五十里會九泉東南流百四十里

入汶河

泉洞

易曰山下出泉洞則山之寶也肥城居群山之中瀆

於漕河洞姑勿論每歲挑浚之夫力差甚苦民日減

而數日增撥派之今專望於當道之平施也

開河泉在衡魚社接濟

新開泉在六房社劉家村流入清泉河接濟係新泉
陶朱泉在陶山下山嶺從古不能開浚廢泉

拖車泉在衡魚社接濟

董家泉在衡魚社西流入鹹河接濟

王家泉在衡魚社西南流入鹹河接濟

吳家泉在衡魚社西南流入鹹河接濟

臧家泉在衡魚社西南流入鹹河接濟

清泉在安寧村西南流入汶河轉入漕河

鹹河泉在衡魚社西南流至東平州官橋接汶河

馬房泉在城西六十里

董家等六泉弘治十五年三月工部都水司主事上

虞張文淵命知縣張希達俱立碑志

聖井在城南五十里水月寺前有石井水泉四時不竭
竭遇秋夏常溢流於外

五龍池在鬱葱山之陽水清而甘列相傳龍潛其中

禱雨輒應

牛山洞在山之陽人嘗焚薪燃燭而入

陶山洞在北山懸崖一名菩薩洞一名快哉洞居山之半高廣數尺人跡鮮至

蝙蝠洞在菩薩洞之東門西向深邃玄遠直透東山無止極處內多蝙蝠盈萬

西施洞在蝙蝠洞正西相對高近絕頂非梯攀不能至相傳西施女同陶朱公隱此世傳陶山前後有七十二洞今不盡載

鄉社

古以萬二千五百家為鄉今一方之聚落遂謂之鄉

社即一里之稱也摠之以鄉析之以社

綱舉目張政治斯舉矣

榆城鄉

因北人開墾荒地又添北死一社共十三社

坊廓社 沙溝社 儀仙社 巧山社 雲山社

義陽社 大封社 崇德社

肥河鄉

李畱社 固畱社 鳳山社 呂店社 六房社

安寧社 東禮社 書城社

孝德鄉

東故社 東張社 傅家崖社 廣裡社 居仁社

南西泝社 新興社 感化社 北流社

安樂鄉

高餘社 原下社 柳灘社 衡魚社 北申社
欒灣社 靳鎮社 顏村社

風俗

上行下效謂之風 衆心安定謂之俗 風俗淳澆關世道之盛衰 故返澆還淳 轉移化導之機 在上不下也

肥城古屬兗州 土俗質直 民有聖人之教化 尚禮義 重廉耻 人民淳厚 勤務農桑 故其俗在昔頗與魯類

後屬濟州 濟州之俗 士務經術 好功名 而足智敦厚 濶達多大節 故其俗遂與齊相類 君子知廉耻之節

小人有夸詐之風 周公遺化 銷微頗尚 奢華有棄麻之業 無林澤之饒 以其地介乎齊魯之間 故習俗互

類 朱文公註孔子齊一變至於魯 魯一變至於道之格言 可徵已 此俗之大較也 其詳於冠婚喪祭居室

服食四時之事 見之

冠簡朴成事 隨時乘便 士大夫間有如禮者 然亦不能舉其詳也

婚嫁娶之儀貧富稱家親迎雖貧賤不廢嫁女者率受聘禮設筵會親友間有較財禮厚薄者多鄉村之人于歸前親友家送衣帛枕鞋之類謂之添箱既嫁多代餽飲饌豐儉隨宜

喪衣衾棺槨各稱有無初喪每七日一奠親友弔問送銘旌賻奠率作佛事其送葬盛陳儀供頗傷於易惟用力於瀝青灰隔之法近日爲可尚耳

祭薦祭亦如禮三月清明七月望十月朔墓祭惟夕祭祖先於堂其諸鬼神則因事而祭病者好祈禱鄉民多溺罪福之說崇信釋道修齋醮受籙以致靡費居之不疑

居室富者用瓦貧者多茅廬率可容膝不敢踰制間有建樓閣者亦不過麗違式

服食除士大夫法服外民間衣帽長短高低隨時異制市井在官輩有家無石食而徧身羅綺者婦女珠綺之飾亦頗涉侈僭飲食豐儉稱家宴會則豐餽醇醪中亦有較禮物厚薄鄙吝不堪者君子弗齒

元旦鷄鳴而起設香燭焚楮幣具節食供拜天地祖

先平明各卑幼展拜尊長里鄰親友互拜閉市三日
其各廟燒香者自夜半踵接達旦

元宵及各家門堂皆張燈縱鼓樂爲戲各坊巷朋聚
持柄燈或二三十人或五六十人魚貫歷街衢旋轉
以爲樂縱觀塞道自十四至十七夜止其婦女多於
十六夜靜時相携出行謂之走百病仍以越橋梁爲
美

立春前一日搬演雜戲結船揚彩縣學等員俱出東
郊迎土牛芒神會酒作樂男女聚觀謂之看春

清明修墳墓具牲醴拜奠掛紙錢於墓祭畢就墓所
飲食之或緣此爲踏青遊婦女戲鞦韆

端陽食角黍相戚皆以此相餽門楣置艾小兒手足
纏五色絨絲

六月六日此日晴明俗皆晒衣書等物或蓄水日久
不臭用作麩

中秋人家具酒餚候月出拜奠焚楮因而對月會飲
謂之賞月

重陽家食花糕相餽好事者携醪盒爲登高遊

十月朔俗謂之鬼朝祭祖先墓掛紙亦如清明禮或
剪紙爲衣焚之謂之送寒衣

冬至除士夫朝賀外俗不拜賀亦無節餽

十二月八日以果蔬之類和五穀實煮粥謂之臘八
粥間有用此濟貧者

二十四日各掃舍宇晚用飭糖祀竈神

除夕換桃符門神春帖中庭焚木柴具香燭酒果迎
竈封井泉合家屬共飲或卑幼奉尊長圍坐謂之守
歲

建置志

城池

土城初始無考元監肥城抹漢重築周圍六里一百
步高一丈五尺池深五尺濶一丈按舊圖四面皆直
永樂間東北二面被河水所衝後人隨勢重修乾良
二隅尙灣缺矣洪武二十一年欽設守禦千戶所治
在城內成化五年知縣林廷庸千戶曹紀分築月城
復構重樓於門上門止二南曰文安北曰武定凡遇
修築豈分工力軍三民七末爲定制萬曆二十二年

知縣馬經綸易磚城爲石城至今永賴焉

公署

居上臨下之所謂之公署然官有崇卑莫不設公署以居之制也署而曰公凡存公心布公道致斯民於同仁之域者毋或問之以私焉

縣治在城震方即鸞臺基元末兵燹明洪武三年知縣丘思齊建正統八年知縣彭良重修正德十年正堂災至十六年知縣劉贊建嘉靖四十年知縣鄭維邦重修至今仍舊

縣署

正堂 堅白堂 幕廳 戒石亭 六房

庫房 土地祠 儀仗庫 兵器庫 知縣宅

縣丞宅 主簿宅 典史宅 吏廨 儀門

獄 大門 鼓樓 鐘樓 旌善亭

申明亭

布政司 在縣治西南弘治十三年知縣張希達重修

正堂 後堂 穿廊 廂房 司房

廚房 大門 二門

按察司 在縣治東弘治十三年知縣張希達重修

正堂 後堂 穿廊 廂堂 司房

廚房 大門 二門

分司 在縣治東南嘉靖十三年知縣田助建

正堂 後堂 司房 廚房 大門 二門

府館 在縣治西南隅嘉靖四十三年改為五寧驛

五寧驛在縣治西南隅即府館改為廳堂門房皆仍

舊貫按肥城原設二驛一在城北二十里名五道驛

驛一在城南四十里名安寧驛至嘉靖四十三年有

司奉明文並為五寧驛 今康熙五年改並岷山

陰陽學在縣治西洪武年開設訓術官一員今傾壞

未修

醫學在陰陽學西洪武年間設訓科官一員今傾壞

未修

僧會司舊在城內嘉靖七年改遷城外南關即惠通

寺

壇壝春祈秋報祀典也祀必壇壝神歆其類耳司風

社而衛民生者果祭神如神在神鬼斯享之矣

社稷壇在縣治西北洪武三年知縣丘思齊創建弘治十四年知縣張希達重修

風雲雷雨山川壇在縣治西南洪武三年知縣丘思齊創建弘治十四年知縣張希達重修

邑厲壇在縣北門外洪武三年知縣丘思齊創建弘治十四年知縣張希達重修

鄉厲壇各社俱有但歲久有祀有不祀者

漏澤園在城北邑厲壇前

廟祠

日廟曰祠皆奉神之所凡以崇德報功也今推祀典當祀者則祀之否則非其鬼而祭之諛也黜而不載城皇廟在縣治西北洪武三年知縣丘思齊建

八蜡廟舊在塔山上嘉靖二十五年知縣蘓廷舉改遷於城東有邑人僉事袁士奇碑記

馬神廟在城西南隅今廢壞

關王廟一在文安門上一在縣治西北

真武廟在武安門上

三義廟在城北世傳劉關張曾會此地後人立廟祀

之

三官廟在城北門外

東嶽廟在三官廟後

炳靈王祠在沙溝社

東嶽行祠在城東南八里

觀音堂在城南

玉皇廟在塔山上

武備

有文事者必有武備易曰除戎器以戒不虞書曰詰

爾戎兵凡以此也制治保邦莫先於此

本縣照例原編民壯一百六十名附千戶所教場同

操義勇分去三十五名每歲赴邊防禦團操民壯四

十六名兵備道操備裁革九名止剩守城民壯七十名

千戶所原軍一千一百二十名宣德年間故絕止存

軍五百三十四名

春班軍一百七十五名

秋班軍三百五十九名

印信銅牌記一十七顆面器械等件在縣庫

屯田六十一頃五十一畝屯田子粒米麥七百三十
八石六斗

清朝悉更前弊屯糧歸之都司惟宛州營設防守官
一員率馬步兵七十名每半年更番值汛並無滯
留最爲簡要

舖舍之設所以通國脈均道里也故詩詠皇華由來
遠矣然宣上達下于文書之程也俾毋稽于舖舍之
葺也俾毋壞

總舖在縣治前大封舖在縣西馬庄舖在城西大石舖

在城北巧山舖在城南義陽舖在城南潮泉舖在城東

山牟舖在城西高餘舖在城西石橫舖在城南

龍泉舖在城西安寧舖在城南界首舖在城南

孝里舖在城西東張舖在城西

倉場

貯積天下之大命也肥城設阜積預備二倉皆古常
平之遺意今以積數多寡爲官守之殿最關係亦
云重矣廣儲預積可少緩乎

阜積倉在縣治後

預備倉舊在城外南關其地一十三畝嘉靖九年知縣李錦遷於城內阜集倉南官廳一座甲乙丙丁戊五廩共二十五間大門三間二門三間育贖倉在儒學明倫堂東南今廢

津梁

濟度之處曰津梁橋也皆所以通往來利民涉耳故徒江輿梁以濟不通王政一事焉然則時加修理毋使民病於涉端有賴焉

傳家岸渡在城西北姚家渡在孝里舖西六里迎恩橋

北門外封君大橋舖北王晉橋王晉村南張氏橋城南十五里

西石橋在衡魚社焦老橋在衡魚社官橋在演馬

市鎮

易神農日中為市鎮則鄉民稍聚而可為市者也凡郡邑皆有之大要別民之居址便民之貿易無非元占計也為人上者當加之思立之平則嚮之聚之者益密矣

沙溝鎮在城東八里新鎮在城西北七十里新鎮城西南二十五里石橫鎮

在城西固留鎮城西南六十里

城集

大隅首集 關王廟集 北門裏集 南門裏集

南關集 南門東集 南門西集 北門外集

鄉集

新鎮集 石橫集 王庄集 屯頭集

衛魚集 張家店集 湖屯集 冉家庄集

黃庄集 演馬庄集 靳鎮集 牟里舖集

義陽集 安寧站集 石屋集 王瓜店集

盧里集 王家店集

坊牌

成周表厥宅里樹之風聲坊牌之義做此今之公署

節孝科目此皆建坊以表揚之遵制也志內坊牌

有已廢而猶存其名者示不朽耳

牧愛坊治在縣前 顯靈坊城隍廟前 孝子坊北門外為明孝子趙讓立以石為之

貞節坊為元旌表義夫張世科坊城南為舉人張謙立 雙鳳坊

城南為舉人張謙立 進士坊在城南為進士張謙立 和伯坊縣治西為知府張謙立

方伯坊縣治西北為張謹立 觀光坊縣治西為舉人奎煥坊

縣治西南為舉人劉貫立 文英坊縣治西南為舉人王錫立 接武坊縣治西南舉人張文質立

攀蟾坊縣治西南為舉人王佐立登瀛坊縣治西南為舉人王佐立進士坊

縣治西為進士王佑立化龍坊縣治西為舉人趙縉立登科坊縣治南為舉人殷輅立

奪錦坊縣治西為舉人田弘立天香秀發坊縣治西為舉人袁汝弼立

四世傳芳坊縣治南為舉人張學詩立扶搖萬里坊縣治西為舉人陳雲霄立

雲路飛騰坊城南為舉人張一鵬立京闈武俊坊縣治西北為武進士張應文立

郊祁並美坊縣治西北為兄弟進士袁奇士偉立父子太守坊

縣治西北為父知州袁汝弼四牌坊四隅首為進士李和珍尹庭立

乘驄坊縣治西南為御史尹庭立勅贈坊縣治西北為御史李第立以石為之

柱史坊縣治西北為御史李邦珍立以石為之

天恩褒節坊縣治西為六十里東張社庄為節婦鄭氏

貞節坊城西八十里塩河西蔡庄為節婦陶氏立

人丁

萬曆年間不分等則人丁共貳萬九千四百五十九

丁自辛巳年以後連歲奇變人民死徙十之八九

至順治四六等年

撫兩院

題明奉

昔除豁逃亡人丁二萬一千四百六十八丁實剩七

千九百九十一丁自順治十一年歷至康熙十一年節年續增人丁二千四百二十一丁見在新舊共人丁一萬四百一十二丁每丁徵銀一錢五分共徵銀一千五百六十一兩八錢

地糧

萬曆年間清丈過上中下山四等則一例徵糧地二千五百二十一頃四十二畝九分二釐四毫自辛巳年以後人民無幾庄村坵墟地土荒蕪至順治四六等年奉

旨除豁荒地一千八百九十三頃六十八畝九分九厘一毫實在止剩熟糧六百二十七頃七十三畝九分三厘三毫自順治十一年以至康熙十一年陸續招徠開墾共地一千一百五十二頃三十三畝六分八厘九毫五絲二忽見在新舊開墾成熟共地一千七百八十頃七畝六分二厘二毫五絲二忽至順治十五年間本縣知縣史廷桂申請

題明不分上申下山等則俱改爲一例每白地三畝六分四厘二毫折糧一畝每畝徵銀七分六厘五

毫九絲三忽四微九纖七沙九塵一渺四漠每畝
徵麥三合八勺六抄九撮九圭一粟一顆每畝徵
米二升七合一抄四圭五粟二顆

寄庄地一十八頃五十畝除正項在於原額地畝內
派徵外每畝外徵銀二分以上二項共徵銀一萬
三千六百七十一兩二錢二分六厘一毫一絲三
忽九微四纖七沙四塵七渺七漠

共徵麥六百八十八石八斗七升三合七勺一撮
九圭七粟二顆

共徵米四千八百八石六升六合三勺七撮七圭
一粟三顆

原額額外荒田地八十四頃四十四畝一分六厘
二毫內除荒地五十九頃八十畝二分三厘二毫
一絲五忽六微免派成熟並續墾共地二十四頃
六十三畝九分二厘九毫八絲三忽五微每畝徵
銀一分八厘三毫共徵銀四十五兩八分九厘九
毫一絲五忽九微八纖五塵

查出在城宅基租銀三兩一錢二分四厘

康熙十一年漕糧項下奉文每正米百石加潤耗銀五兩米五石共該潤耗銀一百四十八兩二錢五分七厘九絲米一百四十八石二斗五升七合九抄通共實徵銀一萬五千四百二十九兩四錢三分二厘一毫一絲九忽七微二纖七沙九塵七渺米四千九百五十六石三斗二升三合三勺九抄七撮七圭一粟三顆並新增潤耗銀米每畝徵銀七分七厘四毫二絲六忽一塵二渺七漠七埃每畝徵米二升七合八勺四抄三撮三圭二粟一顆四粒

起運本折共銀一萬七百二十九兩三錢八分六厘二毫九絲一忽七微八纖八沙一塵七渺存留官俸役食等項共銀四千陸百五十一兩八錢三分一厘九毫一絲二忽一微五纖九沙三塵此係錢糧大畧其解支銀錢逐款載在全書

馬政

舊治邑之北二十里有五道嶺驛邑之南四十里有安寧站驛各設驛官一員夫馬人役並驛丞衙

宇及供應過往

皇華使客與夫各上司經臨館舍俱全至萬曆初年間將邑南北兩驛裁併一驛爲五寧驛其南北兩驛館舍年久傾頽遺跡尚存五寧驛驛丞一員衙舍設立於城內西南隅議設走遞馬三十匹馱四頭夫役馬馱工料支銷供應中伙廩糧館庫館夫鞍雇棚廠等項共驛站銀一千八百六十兩零本縣實編銀一千一十八兩其餘係泰安州德平縣濰縣撥協至康熙二年奉文將五寧一驛官役夫馬

站銀盡行裁解以補新設東路衝途之用其舊編協濟銀兩歸各州縣入丁地民一例徵解實在止剩里甲走遞馬三十匹馱四頭馬夫十七名撥馬牌二名青夫二十名白夫七十名並鞍雇棚廠槽鋤等項共站銀二千四百九十二兩五厘六毫至順治十四年奉裁商河縣撥協銀一百三十七兩九錢四分七厘克餉外實剩里甲夫馬工料等銀二千三百五十四兩五分八厘六毫至康熙七年

奉

音先係驛站協濟撥協銀兩俱改歸各本州縣坐支
其舊編長山長清二縣撥協站銀九十八兩一錢
七分六厘九毫歸令各縣隨丁地銀徵解本縣實
編徵支里甲夫馬銀二千三百五十四兩五分八
厘六毫在於丁地正項銀內徵支銀錢各款刊載
全書

物產

天下之物爲類不一故禹貢九等之辨周禮九州之
別則壤成賦弗責其所無也肥城壤地福小雖生
之未衆然川原燥濕必有所產今取其大而顯者
類志之以爲樽節愛養者告

穀類 粟 黍 稷 豆 芝麻 葡萄 秫 稻 稌

穆

貨數 絲 綿 紬 絹 麻 布 縐 縠 紗 縠 縠 縠

蠟 油 席 紅花 石灰

蔬類 葱 蒜 韭 薑 白芥 芹 菠 瓜

茄 瓠 葫蘆 萵苣 山藥 芫荽 蘿蔔 萱花

小茴香 蔓菁 眉豆 苡蒿 花椒 角豆

果類 桃 李 梨 柿 栗 棗 梅 杏 柰

葡萄 石榴 核桃 銀杏 櫻桃 沙果 蜜果

羊棗 文官果

花類 葵 榴 蓮 菊 牡丹 芍藥 海棠

地棠 荼蘼 薔薇 宜男 木槿 石竹 百合

玉簪 鳳仙 鷄冠 馬纓 迎春 月季 長春

珍珠 金錢 金盞 紫荊 木香 丁香

藥類 蒼朮 防風 荆芥 茴香 紫蘇 地黃

黃精 桔梗 連翹 細辛 南星 草烏 乾葛

遠志 狼毒 枸杞 牽牛 薄荷 黃芩 仙茅

益母 山查 香附子 何首烏 兔絲子

天花粉 車前子 金銀花 馬錢子 鈴

木類 椿 松 栢 榆 槐 楊 柳 桑 楮

栢 楸 棠 梧桐

禽類 鷄 鶩 雉 鸕 鵠 燕 鳩 雀 鵲

鷹 鷓鴣 鴨 鴈 鴟 烏鴉 黃鳥 鷺鷥
鴛鴦 鵲 鶻 桑扈 鶴 鶉
獸類 牛 羊 鹿 馬 騾 驢 猪 兔 猫
狐狸 貉 犬 狼
鱗介類 鯉 魴 鱸 鯽 鮒 鱖 鯢 鱣 鱧 鱉 鱉 鱉 鱉
銀 烏魚 玳瑁

學校志

大學賢士所關教化莫先也明高帝當干戈倥偬之際他務未遑卽令天下郡邑建學立師教育人材迄今名公鉅卿彬々輩出允升斯世於大猷教化之效也故儒學不列公署以昭別等云
儒學在縣治東元至元三十年監肥城縣趙珪建明弘治十三年知縣張希達重修嘉靖二十四年知縣蕓廷舉再修至今仍舊

文廟

聖賢之道垂憲萬世歷代崇祀愈久愈尊至明易至
以師易像以主崇德報功見超千古矣

大成殿 東廡 西廡 櫺星門 戟門 泮池

祭器庫 宰牲房 神厨 敬一亭 敬聖祠

名宦鄉賢祠 日新齋 時習齋 會饌堂 號房

前號房 明倫堂 射圃亭 奎星樓 社學

教諭宅 訓導宅 一在教諭宅東 一在明倫堂西

書籍

大誥三編 大明一統志 五倫書 大明會典

為善陰騭 皇明政要 文憲通考 聖學心要

大清律 孝順事實 四書大全 易經大全

書經集註 詩經集註 春秋胡傳 禮記大全

通鑑綱目 綱目前編 性理大全 勸善書

孝慈錄 大禮纂要 資世通訓 佛老書

勅諭 古今烈女傳

祭器

遵豆靜嘉盥盥之貴飾也尚矣矧吾夫子道德高厚

為萬代宗師簿書祭器允宜先正時加修飾用佐

舞佾之祀

錫香爐二箇 錫燭臺二對 錫花瓶一對

龍木香一柱 銅爵九十箇 竹壘二百箇

官師志

張官置吏所以爲民故令牧則父母斯民而養道構師
儒則表率多士而教道周其佐二合屬皆䟽附奔
走而効有勞勩不可泯其名也

縣官知縣一員 縣丞二員今裁 主簿一員今裁

典史一員 儒學教諭一員 訓導二員

今裁去教諭並訓導一員止留訓導一員

生員廩膳二十名 增廣二十名 附學不限數

本縣倉大士一員今裁 五寧驛七丞一員今裁

大石巡檢司巡檢一員今裁 陰陽學訓術一員

醫學訓科一員 僧會司僧會一員 道會司道會一員

本縣吏戶禮兵刑工各司吏一名 典史二名 舖長司

承發司各司吏一名 馬科架閣庫各典史一名 儒

學司吏一名 驛典史一名 本縣倉巡檢司各典史

一名

每歲知縣本折俸九十石縣丞七十八石主簿六十
六石典史三十六石奉裁

儒學教諭訓導各本折三十六石廩膳生共二百四
十石奉裁

本縣倉大士驛丞巡檢各本折三十六石奉裁

本縣司吏八名儒學司吏一名各本色三石六斗奉裁
孤貧每名各本色三石六斗

知縣

元達魯花赤抹漢趙珪見名宦

趙世公珪子至元二十二年任

伯顏不花至正四年任

胡復鄆州人至正二年任

丘思齊洪武二年任陞陝西叅議見名宦

許好問洪武二十一年任陞陝西叅議見名宦

陶惟正江西人洪武二十八年任卓有政聲

江琦開化人由儒士永樂元年任

彭良直隸安東人由監生正統二年任持身端謹
政公勤

无連立隸桃源人由監生正統九年任爲政寬平民
安其化九載民無怨言士民稱爲良有司見名宦

王義河南光州人景泰四年任陞無爲州同知

王勗直隸興濟人由監生景泰七年任

林廷庸福建閩縣人由進士成化三年任增修城門
材足有爲軍民思念不忘見名宦

黃瑀湖廣麻城人由舉人成化十年任廉明材幹

廢俱興政平人和尤注意學校士林至今思之月
名宦

馬通北京人由進士成化十四年任

朱希古蘓州府常熟人由進士弘治三年任

張守和河南沔池人由舉人弘治四年任陞上林苑

監承見名宦

張希達直隸慶雲人由舉人弘治十年任

林世瑞福建閩縣人由舉人弘治十七年任

王瀚山西榮河人由監生正德五年任

郁浩雲南人由進士正德六年在

洪瓚直隸滁州人由監生正德七年在

麻芝陝西榆林人由監生正德十一年在

張昂河南長葛人由舉人正德十二年任

魏謚河南汝寧衛人由舉人正德十三年任才足有
爲明能折獄肥令之最能者調歙縣官至主事見
名宦

劉贊直隸宣城人由舉人正德十五年任通達治體

節省民財鋤強扶正歷民最以民服其惠見名宦

王朝用直隸薊州人由舉人嘉靖四年任

王侑北京錦衣衛人由進士嘉靖五年任

崔巍山西安邑人由舉人嘉靖八年任

李錦直隸完縣人由舉人嘉靖九年任

湖廣江陵人由舉人嘉靖十一年任

唐冠湖廣東安人由監生嘉靖十五年任

胡廷召湖廣襄陽人由舉人嘉靖十七年任持身清

謹遇事敢爲見名宦

林成立福建莆田人由舉人嘉靖二十一年任

蘇廷舉直隸清苑人由舉人嘉靖二十三年任
崔尚禮直隸安肅人由舉人嘉靖二十八年任教誨
良家子弟政尚寬平陞宛平知縣

孫細直隸丹陽人由監生嘉靖三十一年任

王業陝西高陵人由進士嘉靖三十三年任

鄭維邦福建侯官人由舉人嘉靖三十六年任審編
公平徵輸不擾才能濟事民感德之士民爲之立
去思碑見名宦

萬鵬程直隸順義人由舉人嘉靖四十一年任實心
實政有守有爲民懷其惠陞濱州知州士民立生
祠祀之見名宦

錢周商直隸吳江人由舉人嘉靖四十四年任

顧庭直隸霸州人由舉人隆慶三年任慈心惠政節
用愛人每捐俸以助貧士之婚喪歷官三載而清
白之操始終如一士民感德之見名宦陞葭州知
州

朱衣河南溫縣由貢生萬曆元年任慈裨愷愷無苛
刑無峻法且褻躬清介一毫不染治民事神之道

尤其兩得者可謂無忝於牧愛之良矣黎庶戴之
李觀光直隸滄州人由進士萬曆五年任六年調諸
城縣

趙守憲陝西三原人由舉人萬曆六年任

李思問直隸真定人由恩貢萬曆八年任陞陝西臨
洮府通判

閻談山西祁縣人由舉人萬曆十四年任端方正直
人不敢干以私且嚴一介于四知落巨奸于三尺
尤表表可稱述者見名宦

馬經綸直隸通州人由進士萬曆十七年任易磚城
爲石城立書院作養人材士民感德立生祠祀之
見名宦

隨大經商水人由舉人萬曆二十六年任陞遼東安
樂州知州

王弘業直隸堆縣人由選貢萬曆三十一年任
路桂高平人由舉人萬曆三十三年任陞湖廣德安
府判

王槐秀山西蒲州人由進士萬曆三十六年任考選

四川道御史

楊坊直隸河間縣人由舉人萬曆四十一年任

陳維新直隸南宮縣人由舉人萬曆四十四年任陞
北京東城兵馬

徐起陸湖廣鍾祥縣人由進士泰昌元年任

王惟精陝西朝邑縣人由舉人天啟元年任陞山西

應州知州仁慈寬厚愛民如子四時季考生童按
月出題課試寒士貧生給以緋筆多方培植案簿
之餘精于寫畫縣內至今有收藏之者去後士民

思之不忘爲立生祠祀之

姜銓直隸文安縣人由舉人天啟五年任

翟凌雲直隸撫寧縣人由恩貢崇禎元年任陞濟寧
運河同知

朱光時雲南保山縣人由舉人崇禎六年任

崔廓直隸仁丘縣人由舉人崇禎九年任

蔡時馨河南雒陽縣人由舉人崇禎十年任

鄭位直隸清豐縣人由選貢崇禎十一年任陞濟南
府同知

李廷楹遼東寧遠人由貢士順治元年任陞河南歸德府同知

霍始然直隸固安縣人由舉人順治三年任

劉士蘭河南羅山縣人由進士順治伍年任陞刑部主事

袁沛陝西三原縣人由舉人順治九年任

史廷桂浙江蒲山縣人由恩貢順治士年任陞河南禹州知州

許賓福建侯官縣人由歲貢順治十八年任行取御

史

尹任直隸棗強人由進士康熙八年任省刑薄歛節用愛人修葺學宮崇重儒士國之循良民之父母
縣丞

宋廷鳳山西介休人由監生洪武四年任見名宦

李隆直隸鉅鹿人由監生

趙銘河南扶溝人由監生景泰五年任

袁衡陝西咸寧人由監生天順五年任

錢安山西臨汾人由監生弘治五年任

王懋山西沁州人弘治六年任

劉景瑞直隸蠡縣人由監生弘治十三年任

姚鈇浙江慈谿人由吏員弘治十四年任

展學山西蒲州人由監生弘治十七年任陸陝西褒

城知縣

張隆浙江義烏人由監生正德四年任

毛玘密雲衛人由監生正德八年任

沈琇直隸懷寧人由監生正德十三年任

李應陽直隸薊州人由監生嘉靖九年在陞齊河知

縣

史世相陝西鳳翔人由監生嘉靖八年任

李遇時陝西膚施人由監生嘉靖十二年任

王欽宣府人由監生嘉靖十四年任

胡文泰直隸肅縣人由監生嘉靖十八年任

莫棟浙江餘姚人由監生嘉靖二十三年任

史瑛直隸平鄉人由監生嘉靖二十六年任

顧節順天人由監生嘉靖二十八年任

南儉直隸人由監生嘉靖三十三年任

白用明直隸東明人由監生嘉靖二十五年任
岳舜舉河南儀封人由監生嘉靖二十七年任
高騰鳳直隸阜城人由監生嘉靖四十一年任才幹
明敏操持清苦民至今思慕之爲肥丞之最見名
宦

王梅直隸人由監生嘉靖四十四年任

胡江直隸保安衛人由監生隆慶元年任

楊鈺直隸三河人由監生隆慶三年任

刑自爵直隸灤州人由吏員隆慶六年任

楊德新山西絳州縣人由監生萬曆二年任

韓立本直隸藁城人由歲貢萬曆四年任

周有人陝西鳳翔人由恩貢萬曆八年任陞直隸容
城知縣

史世申直隸溧陽人由例恩貢萬曆十二年任

張文煥直隸獲鹿人由歲貢萬曆十五年任

倪大維由吏員

母鎧由歲貢

朱節湖廣人由歲貢陞綏德州判

謝嘉勳由選貢陞雲南新平知縣

徐大成由吏員

劉自興

彭取第由監生

秦有成由吏員浙江慈谿人萬曆四十一年任

馬呈祥陝西洮州衛人由選貢萬曆四十四年任

李奇才山西安邑人由歲貢泰昌元年任

李光宸南直金壇人由吏員天啟三年任

侯國勳山西大同衛人由選貢天啟七年任崇禎二

年奉文裁去主簿

雷益山西威寧人由監生景泰七年任仁愛得民陞
光祿寺監民感恩之

陳榮直隸薊州人由監生天順二年任

蘭俊山西人天順五年任見名宦

周玉湖廣人大治縣由知印成化十一年任陞歷城

縣丞見名宦

賈安山西臨汾人由監生弘治五年任

郝文直隸東安人由監生弘治九年任

趙鏗河南商城人由監生弘治十五年任

李光直隸元城人由監生正德二年任

劉深直隸南樂人由監生正德六年任

姜備直隸南樂人由監生正德八年任

劉朝宣陝西鳳翔人由監生嘉靖二年任

趙世潔山西襄垣人由吏員嘉靖十年任

楊滋山西岢嵐人由監生嘉靖十二年任

張益陝西鞏昌人由監生嘉靖十四年任

郭漢山西大同人由監生嘉靖十七年任

杜子英江西豐城人由吏員嘉靖二十二年任

陳汝忠直隸阜城人由監生嘉靖二十五年任

李瑄隆慶人由監生嘉靖二十九年任

羅臣山西朔州人由監生嘉靖三十三年任陞浙江

縣丞

狄用臣直隸大城人由監生嘉靖三十六年任

錢孔禧浙江桐鄉人由監生嘉靖四十年任

金縉直隸崑山人由吏員嘉靖四十二年任

傅鳴元直隸靈壽人由監生隆慶元年在

張洪直隸長垣人由監生隆慶二年任
郭坦直隸威縣人由監生隆慶三年任

李厚培直隸定興人由監生隆慶五年任

劉星浙江壽昌人由監生萬曆二年任

王一儒南直隸通州人由監生萬曆五年任

鄒學詩陝西七寧衛人由歲貢萬曆八年任陞四川

夔州府奉節縣知縣當官之倣三事皆躬行而實

踐贊政肥城署篆淄川遺甘棠之愛迄今共誦見

名宦

張問明直隸平谷人由選貢萬曆十四年任

戴克由知印

羅蟾由選貢

王嘉謨由歲貢

雲鳳翼由吏員

崔槃由例貢

薛懋勳由監生

張一毅由吏員浙江人萬曆四十一年任

張養成順天府豐潤縣人由監生萬曆四十五年任

安大經山西垣曲縣人由吏員泰昌元年任

周宸江西泰和縣人由吏員天啟三年任

原會山西汾陽縣人由監生天啟六年任

郝九思順天通州人由監生天啟七年任

余廷芳福建浦城縣人由吏員崇禎四年任

饒九卿由歲貢崇禎八年任陞山西平順縣知縣

王六龍浙江蕭江人由吏員崇禎十二年任

典史

盧英洪武三十二年任中山東鄉試第一名與本縣

李恪同榜見名宦

傅文通直隸武清人由吏員天順五年任位卑而有

守贊政而有爲

段敏山西臨汾人由吏員成化八年任

鄒崑直隸蒙城人由吏員弘治六年任淳厚愛民有

儒者風度

李信直隸魏縣人由吏員弘治十一年任

孟金直隸霸州人由吏員正德三年任

閔淳山西大同人由吏員正德八年任

刁玉直隸文安人由吏員正德十一年任
溫琰直隸固安人由吏員正德十五年任

張珩浙江鄞縣人由吏員嘉靖元年任

江鯨江西豐城人由吏員嘉靖十一年任

白祿直隸任丘人由吏員嘉靖十六年任

李仁湖廣襄陽人由吏員嘉靖二十二年任

趙景秀直隸定興人由吏員嘉靖二十五年任

王守信浙江桐廬人由吏員嘉靖二十七年任

郭州河南沔池人由吏員嘉靖三十三年任

劉仲和直隸固安人由吏員嘉靖三十五年任

李槃四川由吏員嘉靖四十年任

高鉞直隸定州人由吏員嘉靖四十五年任

秦璠直隸合肥人由吏員隆慶二年任練達風裁清

苦一節尤卑安所難陞涿州吏目

張利賓直隸休寧人由吏員萬曆元年任

鈕勳浙江錢塘人由吏員萬曆六年任贊政六載勸

勞不遺餘力辭銀八百萬無分毫掛宦之名者也

陳梁直隸旌德人由吏員萬曆十一年任

魏時義

周文錦

王燮

高景行

張廷相

王應會

趙國定

陳自治

劉進庭

夏化

以上姓名僅存年號籍貫無可查稽存之以

俟考索

王勳直隸休寧人由吏員萬曆四十一年任

唐鑛河南睢州人由吏員萬曆四十四年任

孫煥南直安東人由吏員四十八年任

牛應試山西萬泉縣人由吏員天啟二年任

閔文高湖廣施州衛人由吏員天啟五年任

林日升福建莆田人由吏員崇禎元年任

夏時行顛天大興由吏員崇禎四年任

郭天與山西介休人由吏員崇禎五年任

聞爾忠浙江仁和縣人由吏員崇禎七年任

白光文陝西三原縣人由吏員崇禎八年任

張秉彝陝西華州人由吏員崇禎十年任

魏國梁陝西華州人由吏員崇禎十三年任

胡崇仁

胡國潤

張文臣

平易近人故士民樂與之親且招來勸墾流離不至失所



肥城縣誌書卷之下



教官 教諭

李衡本省聊城人由歲貢見名宦

姚大倫浙江餘姚人由舉人

張濂直隸上海人澹薄無欲循循善誘迎親就養二

子登科第隨附籍於肥見名宦

邊昱山西曲沃人由舉人

沈勉浙江上虞人由監生

何倫浙江臨海人由舉人

王鎔浙江臨海人由儒士

袁泰直隸亳州人由監生後附籍於肥一子二孫皆登科見名宦

李長源福建莆田人由舉人

林注福建閩縣人由舉人

林賢福建福清人由舉人

武文直隸平山人由舉人

邢一初直隸內丘人由監生

王瓚直隸內丘人由監生

趙依周陝西長安人由監生

范彥誠山西翼城人由監生

孫熾山西石泉人由監生

王宁山西臨晉人由監生

郭邦陝西兩當人由監生

王萬鎔咸寧人由監生

柯一泉直隸貴池人由監生文雅有學勤於訓誨

尹東郊沂水人由監生

魏棟直隸易州人由監生

孫奎霽井陘人由歲貢

于大邦范縣人由歲貢

吳珥邢臺人由歲貢

周子英蓬萊人由歲貢

王一鳳招遠人由歲貢

李先芳諸城人由歲貢

楊三遷直隸亳州人由歲貢

趙桐由歲貢

阮思恭由歲貢

張雲鵬山西榆社人由歲貢

潘江直隸河間人由歲貢

董守緒直隸金陵人由舉人

嚴泰遼東人由歲貢

汪紹英福建晉江人由舉人

王陞湖廣黃崗人由舉人制行端謹學問淵源講書

作課久而不厭真如塾師

曹懋官由舉人

陳焯由舉人

文有格由舉人

談性學由歲貢

梁廷欽由舉人

蔣履亨由舉人

王多胤由歲貢

耿灝由歲貢

霍敬業由歲貢

越其彥由舉人

周鵬江西吉水人由舉人

郭欽高苑縣人由歲貢

冀道隆青州府人由舉人

胡會賓雲南昆明縣人由舉人

陳起元南直句容人由舉人

周詩由歲貢

彭由歲貢

郭三薦直隸趙州人由歲貢

林欽棟沂水人由歲貢

于雲龍文登人由歲貢

訓導

郭儼本縣人由薦舉

索靖直隸邳州人由監生

江溥河南魯山人由舉人博學善教

陳珪直隸安慶人由監生後古籍於肥其子雲霄登科

徐耕浙江會稽人由監生

趙璽河南睢州人由監生

王德成直隸無爲人由監生立心正直教人有方

帥紳四川南溪人由監生

賈寧直隸獲鹿人由監生

周世安直隸慶都人由監生

趙崇德山西臨晉人由監生

陳懋山西聞喜人由監生

傅時顯浙江仁和人由監生

王蛟四川叙州衛人由監生

段安河南上蔡人由監生

劉河直隸開州人由監生

石璞直隸博野人由監生

安景慕直隸清苑人由監生

曹文會湖廣公安人由監生

左崇儒湖廣承天人由監生

胡澄山西太平人由監生

朱侶直隸永平人由監生

袁永徽湖廣興國人由監生

黃舒華河南杞縣人由監生

王承禮直隸安州人由監生以禮律身古之長者

吳東直隸銅陵人由監生

尹椿浙江遂昌人由監生

樊愷江西進賢人由監生學行俱優恩義兼盡講貫無分晝夜束脩不取分毫乃廣文之卓越者見名

宦

謝景暘直隸邯鄲人由監生

王聖福建永福人由舉人通曉詩文引進後學

劉効直隸任縣人由監生

楊舉福建莆田人由舉人

武鸞山西陽曲人由監生

沈曦浙江崇德人由監生

張中復浙江仁和人由舉人清雅有學飄洒無累有
古人風度

萬言湖廣安陸人由監生學本淵源敦尚氣節曾爲
白鹿洞主尤邃於理學見名宦

王隆山西太原人由監生

亢霖兩直隸臨淮人由監生才學可觀待士子有禮
劉祿本省掖縣人由歲貢

單絃由歲貢

孟繼孔由歲貢

李楨由歲貢

耿灝由歲貢

唐之秀由歲貢

魏居梁由歲貢

王應元由歲貢

劉甲由歲貢

王

朱

杜

王

潘

王

張德溼朝城人由歲貢

張迂桂平人由歲貢

孫體乾諸城人由歲貢端方正直情義兼全臨行諸

生携盒酒送三十里外者百餘人

孔貞琨曲阜人由歲貢

李毓藻嘉祥人由歲貢

鄧國球鉅野人由歲貢澹薄無欲捐俸脩學待士有

體不愧師範

名宦

士之服官履政必上不負

天子下不負吾民中不負所學然後謂之名宦昭其

賢也故去則思之立生祠祀之流芳千載後世誦

之不衰茲特著其名表其蹟廉貪立懦玄風可仰

知縣

元達魯花赤抹漢卽趙珪開荆城池用奠民居轉輸
國賦立庫便民拯溺救荒省刑簿歛興學訓士時
人以平原君稱之在任一十八年守身勤政始終
如一民思慕不忘乃立遺愛碑云

明丘思齊開設衙門建置學宮壇廟以清謹陞陝西
叅議

明許好問庶能平恕常應詔陳言欲 國家慎刑罰
昭勸懲緩差徭容直諫並言國祚脩短之要

太祖嘉納之陞陝西叅議

明尤璉爲政寬平民安其化九載杖滿人無怨言士
林稱爲良有司

明林廷庸增脩城門公廨坊牌才足有爲軍民思念
不尠

明黃塢不受私謁吏民不誣讞庶明有材百廢俱興政
平人和尤注意學校去數十年人猶稱之

明張守和性剛直嚴教人未嘗見喜色鋤強植弱疎
善民張令行禁止盜賊屏息至今父老猶稱之

明魏謐才足清爲明能折獄肥令之最能者調歛縣
官至主事

與劉養通達治體節省民財邑有巨惡爲民害侯至
其諱法由是豪強斂迹創建諸院作養人材杖僧
人抑佛老任久政治洽風俗卒歸於正

明胡廷召持身清謹遇事敢爲愛百姓如子民爲之
立去思碑

明鄭維邦審編公平徵輸不擾才能濟事民感德之
爲立去思碑

明萬鵬程實心實政有守有爲民懷其德立去思碑
生祠

明顧廷慈心惠政節用愛人每捐俸以助貧士之婚
喪歷官三載而清白之操始終如一士民感德之
明閻談端方正直人不敢于以私且嚴一介於四知
落巨奸於三尺九表表可稱者

明馬經綸文章名世多士賴其培植且肥城原舊
城俱換以石魏乎高大至今世世賴之萬曆二十二年

縣丞

宋廷鳳庶慎愷悌政尚寬平吏民不忍欺
高騰鳳十幹明敬操持清苦至今民思慕之爲肥丞
之最

主簿

蘭俊慷慨有爲奸民畏服

周王幹辨有爲學校建立贊襄之功君多士類至今
稱美

鄒學詩當官之做三事皆躬行而實踐贊政肥城署
篆淄川遺其棠之愛至今共誦

典史

盧英清致文雅政暇讀書每至夜分中山東鄉試第
一名與本縣李恪同榜

教諭

李衡因材教人多有成就大小德之無嗣年八十一
歲卒於官門人葬本邑城東歲祀之

張濂澹簿無欲循循善誘迎親就養附籍於肥謙謹
二子皆登科第先生以謹職贈左政布使

袁泰德政寬平啓迪不倦一子登科二孫登第附籍

於肥

樊愷學行俱優恩義兼盡講貫無分晝夜束脩不受
分毫乃廣文之卓越者

萬言學本淵源敦尚氣節曾為白鹿洞主尤邃於理
學

人物誌

仕蹟

君子之仕也行其義也自沽一爵之上皆有事事卓
可紀迹者厥績昭也邦家之光閭里之望肥城之

仕者多矣績之可紀者僅數人焉茲特著其行實
以寓激勸之意高山仰止幸勿讓專美於前

秦川狀貌魁梧美髯端謹由鴻臚陞通政司通政使
田易學有體用才幹過人以太學督生銅授御史

張謙任鳳翔衛輝同知有卓異政陞衛輝知府

張謹進士選翰林院庶學士奉差賑濟活者甚衆重
校刻邊將陞河南左布政

張永頌鄉薦任南陽府知府卓有政聲

王佑由進士任戶部郎中歷官二十年始終如一給
餉饋不絕糧道

尹庭中嘉靖庚戌進士初任河南荊縣知縣政治天

下第一考

選湖廣道監察御史初建言即奏劾奸相嚴嵩父子七疏觸上怒庭杖回籍

張文質永之子順天順己卯鄉薦卒業成均授順天

府薊州判官薊迫京畿素號繁劇軍民雜處文質

處之裕如以政績陞保德同知致仕

盧應禎登癸未進士初授南昌府推官明慎折欲陞

工部主事歷員外郎中久著廉勤執持不撓陞陝

西叅議尋陞鴈門關副使

李邦珍由進士任行人選浙江道御史陞太僕司少

卿南京通政司右通政北京大理寺左少卿僉都

御史巡撫河南陞副御史提督操江兼管巡江所

至綜理精明風紀振揚一廉如水朝野馳聲若搗

順天之巨寇平福建之倭醜尤人所難能者閩粵

河南士民感戴不忘立生祠祀之

尹東周選貢初任四川廣安縣陞雲南沅江府通判

卓有政聲且還旣娶妾却暮夜金養無歸蒙師恤

窮族孤孀德義上聞崇祀鄉賢

尹是法中崇禎己卯舉人初任湖廣麻陽縣以邊才

調補永明縣值地方賊踞領將兵蕩寇到任繼扶

靈徭賊作亂練兵勦撫徭獍納_如理當差擴增版籍
回鄉淡薄無歆貧而有守闔縣慕其高節

孝友

孝友爲人倫之重代有興起於漢宋得二人於明
得三人焉故特誌之爲人子弟者尚知所感發興
起云

漢郭巨孝德鄉人家貧養母妻生一子三歲母嘗減
食與之巨謂妻曰貧不能供親共汝埋子子可再
有母不可再得妻不違遂掘坑三尺餘忽得黃金

一釜上云天賜孝子郭巨官不得奪民不得取

宋楊岷鄜河里人今爲坊廓社自祖若父及岷凡四
世咸敦孝弟同居共財以子傳子以孫傳孫永無
分異願誓之言載諸鄉貢進士李完之文可考而
家之臧獲雞豚有化而致篤行殊效議者以爲孝
義所感不特鄉里稱之縣尹因鄉人之請爲之立
石

明趙讓坊廓社人家貧幼孤事母至孝傭力以供給
母疾夜禱於天祈以身代母卒讓號泣絕而復蘇

廬於墓側有虎夜至讓但號泣虎自徐徐而去後有數盜入廬讓告曰止有米二升以爲母忌祭之資盜感其孝以百錢遺之永樂初年旌表其門御葬之

明廬瑄高餘社人克儒學弟子貞成化辛卯喪父時天旱鄉人謀發其墓瑄聞守墓號泣數日天忽下雨成化癸巳喪母天又旱乃別築一室守柩悲哀踰二年屋柱生花戒憚人以爲孝感所致其弟璉惑於妾言欲求分異姑聽其便後璉感悟遣其妾復同居焉

明溫安沙溝社人家貧無妻室樵採以供母母七十餘病亟思肉食值連日陰雨不能樵採鄰舍亦貧乏無所取給安密用鑱刀左股割肉一片度不足用復割一片自煮肉湯以進曰我賣柴買來肉也毋食而甘之疾遂愈母起見安面黃瘦問之嫂以實對闔家痛哭遂傳言於外城市鄉民往觀者如堵

貞烈

婦人之義一醮不改或從容就義或殺身成仁皆足
以扶綱常風世教噫閨門孱息輕塵弱草乃能此
大丈夫傑烈之事故特表而出之殆愧天下後世
爲人臣之懷二心者

元石氏義陽社人氏自幼許聘張亨後氏家貧亨父
毋欲停婚改娶亨堅執不從竟娶之氏歸恪執婦
道生三子二女感夫之義常囑子女曰爲我預置
一槨可容二棺及亨故氏號泣絕不飲食者三日
亦亡夫妻同槨而出卒償其願元至正八年有司

偉其事奏 聞旌表其門

明翟氏安寧社人翟英女適表亨年二十一歲逆賊
劉七等攻掠殺擄見氏有姿色持刀嚇氏使從氏
厲聲罵曰我寧死決不爲賊所污賊欲強之入室
氏卽抱樹環躡高聲叫曰快殺我快殺我賊知不
能屈斷其左肩身仆地仍罵不絕口竟剖腹而死

明趙氏南西流社人李芳妻也年十六適芳未及期
病故氏號泣欲求同死翁姑百方勸之曰汝有孕
汝死並其子汝安忍遂聽姑命勉強自存踰數月

果生一子名邦用訓教成立補庠增廣生娶楚氏
二年邦用復故楚氏仍腹孕生子維熊趙與楚貧
寒躬績自給孤苦萬狀維熊年二十四又故楚氏
亦故止遺趙氏年踰七十乳乳才立焉知縣鄭維
邦未及奏聞先表其門爲雙節云

閆氏沙溝社閆守相女也自幼許聘吳賢子同聆未
過門同聆病故閆以聞訃語人曰好馬不韉雙鞍
烈女不更二夫也聘吳門卽吳家人也安悉
再事他姓遂懇允父母往夫家弔喪痛哭幾絕回
家水漿不入口父母妹妹百方勸解終不應一言
卧十一日餓死與夫同聆合葬鄉市稱嘆所縣印
官未及奏

請先豎牌扁表揚門閆

明鄭氏濟南衛鄭九賓女適本縣南西流社李維實
未兩歲夫故遺男名嶸尚在襁褓氏號泣不食衆
親婉諭不聽自縊又被賊救姑泣涕勸之曰立孤
死節皆天地間難事與其死而無益不如生而撫
孤子然汝死則幼子不保是使爾夫有子而無子

也氏因勉從姑命日以紡績針指爲生上供蓮糖
下拖幼子守節六十餘年千辛備嘗始終如一享
年七十八歲有三孫運昌運嘉運亨皆克博士第
子員知縣翟凌雲申揚其節巡按王道純奏
聞奉

旨給銀三十兩命有司建坊於其間以勵風化

明姜氏本縣感化社王 妻也夫死號泣不食夫
旣成殮至一七脩齊完自縊身死本縣知縣高其
節申請巡按 具奏奉

旨給銀建坊以表揚之

明劉氏生員黃正色妻也于歸半載而夫故氏號泣
絕粒者七日知縣李觀光聞之親至其家命婦女
強灌以米湯數口又活三日而死聞者莫不下淚
知縣申請表揚巡按具

奏蒙給銀建坊於墓謂之異常貞烈有邑人僉都
御史李邦珍詩以贊之曰貞婦不負夫人不負貞
婦巉巉一片石明月照千古其石在巧山莊南立

明陶氏平陰陶世雄女適肥城生員尹東魯十九歲

夫故遺男熙甫三歲夫以年幼遺言勸嫁氏則割耳自誓以明無他守節三十餘年至五十六歲而卒遺男熙克博士弟子員閩縣士民共稱其節本縣知縣姜鈺申請巡按黃憲卿奏

聞奉

旨給銀建坊以表其閭

明陰氏邑人李元通妻也于歸二年而元通故氏幼績育幼子多才成立苦節四十九年始終如一及氏故子多才廬於墓三年家雖貧窘卽瓜果菜羹

祭祀必誠必敬知縣翟凌雲高其節孝申

請巡按王道純具奏奉

旨建坊旌爲毋節子孝云

羅氏本縣生員羅國猷女適生員王凝二年而凝故子度貞尚在襁褓翁姑以年幼有勸改嫁之意氏則呼天自誓寧死不肯二天今守節四十餘年教子度貞克博士弟子員可稱完節知縣許賓申

請巡撫周 奏

聞奉

旨給銀寔坊以表其閭

郭氏係柳灘社郭氏武之女憑媒嫁於本社張鏡爲妻夫鏡病故時氏年二十三歲守節五十一年水清王潔千辛備嘗撫孤子張朝弼成立今成博士

弟子員闔縣重其節義知縣許賓申詳 上臺

傳氏絲貢生傳起巖女馮媒高夢說嫁儒士尹宿光

爲妻三年夫逝撫週歲孤兒事垂自雙親茹苦

飲水苦守三十餘年撫孤尹相入學成名闔縣

公舉知縣許賓已經給扁獎勵申詳

者壽
人生七十曰耆卽號古稀况邁八十而百有十歲大

舜之後迄今罕聞也故榮之以冠帶優之以鄉飲錫之以粟帛俾無皤皤凍餒負戴道路之苦庶幾養老之遺意云

姜恭雲山社人享壽一百一十歲妻亦享壽一百七歲子八十五歲知縣顧庭賜以粟帛免一一差役以供其父母人咸謂國家之瑞云

王著言村社人九十五歲一母生子十一人俱成立亦世之絕無僅有者

李茂祖南西流社人年八十一歲有司給以壽官榮

身請與鄉飲

布純安寧社人年八十歲有司給以壽官榮身

朱斌 衡魚社人年九十歲有司獎以鄉耆

王崇業感化社人年八十三歲以齒德與鄉飲有司

給扁榮以壽官冠帶享年八十五歲而卒妻張氏

亦享年八十五歲生則同年死亦同逝夫先妻後

僅隔一日此亦世之所稀有者

王應召東張社人家貧樂義好施享年一百二歲有

司重德嘉壽給與冠帶扁額請鄉飲五次閩縣稱

為祥瑞

羅燭然沙溝社人行年九十七歲積德已久好善未

艾士民公具呈狀保舉善耆五次給扁獎以德壽

咸稱肥邑之瑞云

王庭 南西流社人長陵衛經歷享年八十五歲修陵撫軍著有勞績覃思詰封並贈祖逵父宗仁徵

在郎平三季友忠信樂善好施輿論嘉之與鄉飲七次可謂齒德俱尊云

孫天璋巧山社人享年九十三歲有司重其德壽給

以冠帶請與鄉飲四次

羅九有感化社人尚禮義樂施濟行年八十六歲縣

令重其德壽遂給扁表揚其門亦世之所僅有著

李光胤南西流社人年九十五歲有司獎

選舉志

進士之科唐宋以來重之今名位顯要功業烜赫者

皆由此其選明二百餘年登進士者僅九人

張謹登天順庚辰科黎淳榜進士由庶幾士歷任河

南左布政使見人物

王佑登成化辛丑科王華榜進士由主事歷任戶部

郎中見人物

袁士備登辛巳科楊惟聰榜進士由評事歷任河東

運使

盧應禎登癸未科姚涑榜進士由推官歷任山西副

使見人物

袁士奇登丙戌科龔用卿榜進士由主事歷任河南

僉事

李邦珍登庚戌科唐汝楫榜進士由行人歷任都察

院右副都御史見人物

尹庭登庚戌科唐汝楫榜進士歷任湖廣道監察

御史見人物

孟成已登己丑科

榜進士由知縣歷任霸州道

王納諫登丙辰科沈同和榜進士任雄縣知縣

崇祀鄉賢

李文遠登庚戌科官慶仁榜在籍候選

鄉貢

成周以鄉三物教萬民而賓興之鄉貢之始也明朝

令各省三歲一試中式者薦於春官自是或與會

試之選而登甲科者或由一榜而授官守棟梁榱

桷咸用世之才文章功業與甲科頡頏顧人之自

刀何如耳

李恪洪武己卯科任陝西西安府同知

郭舟永樂己酉科任四川茂州同知

劉湍永樂己酉科任陸安州判官

王慈永樂辛卯科

許整永樂辛卯科

張信永樂甲午科任河南魯山教諭

張永永樂丁酉科任河南南陽府同知見人物

陰佑永樂癸卯科任 肅府典寶

趙遵永樂癸卯科

張謙正統甲子科任衛輝府知府見人物

石堅景泰癸酉科任山西忻州訓導

張謹景泰丙子科登進士歷任河南左布政使見人物

劉貫景泰丙子科任栢鄉學教諭

張文質天順乙卯科任山西保德州同知見人物

王錫天順乙卯科任河南嵩縣知縣

王文舉成化乙酉科任山西平陸縣知縣

王佑成化辛卯科登進士歷任卽中見人物

趙縉成化甲午科任山西壽陽縣知縣

殷輅成化癸子科任河南武安縣知縣

田弘成化庚子科任山西太原府推官

袁汝弼成化癸卯科歷任山西汾州知州

張學詩弘治壬子科歷任陝西臨洮府通判

陳雲霄弘治乙卯科

張一鵬弘治戊午科任直隸清河縣知縣

劉一貞正德庚午科歷任南部主事

袁士奇正德己卯科登進士歷任河南僉事

袁士偉正德己卯科登進士歷任河東運使

盧應禎嘉靖壬午科登進士歷任山西副使見人物
李邦珍嘉靖丙午科登進士歷任都察院右副都御
史見人物

月庭嘉靖丙午科登進士歷任監察御史見人物

傅起巖嘉靖己酉科歷任河間府通判

劉濟萬曆丙子科任直隸遷安縣知縣

孟成己萬曆戊子科連登進士歷任霸州道

王納諫萬曆庚子科登進士任雄縣知縣

李光澤崇禎癸酉科任

清朝安吉州知州

尹是法中崇禎己卯舉人祔任湖廣麻陽縣以邊才
調補永明縣值地方賊踞領將兵蕩寇到任繼扶
靈徃賊作亂練兵勦撫徃獐納糧當差擴增版籍
回鄉淡薄無欲貧而有守闔縣慕其高節見人物

李文遠己酉科連登進士

歲貢

貢獻也周禮大司徒今天下郡縣歲各舉一人獻於天子歲貢之名始重士之由是出身者謂之正途肥城歲貢若秦川任通政田易任監察御史曷嘗以資格限豪傑哉官於遠代無考者缺之其可據者載其行事存其姓氏以傳不朽或有遺忘而序次後先不無顛倒錯亂云

王 贍歲張 鑑歲周 佐歲秦 川歲任通政

郭 貞歲魏 信歲孫 儼歲田 易歲任御史

胡 實歲張 規歲王 哲歲張 貢歲殷 仲歲

陳 和 張 順 張 博 冉 忠 呂 維

符 信 鍾 迪 白 圭 王 寧 劉 翥

王 貫 楊 盤 歲張 禮 劉 欽 馬 驥

許 衡 歲王 貴 歲胡 靖 王 莘 歲姜 淮 歲

羅 勝 歲苗 芳 歲藥 顛 李 昇 歲何 洲 歲

陰 忠 歲董 綸 歲武 宣 歲張 哲 歲張 安 歲

李 震 歲楊 徵 歲陳 智 歲周 鼎 歲馬 馴 歲

劉 漢 歲孫 桂 羅 參 孟 奎 徐 興

盧 瑄 趙 鎮 陳 謨 李 銘 安 玘

張 勛 張思聰 王 紹 王 道 張 禎

張思義 周 旋 張一鶚 張 鎔 劉 鏜

翟 瑁 張 理 尹天民寧羅 經 張觀臣

張思恭 甲 第 王 遇 胡 取 張 瑀

羅志舉 雷 楷 尹 庭選貢丙午舉人庚戌進士任監察御史

劉 席 李 綸 孫耀祚 王建中 楊士英

胡 拱 張學魯 李自德 周世臣 趙完璧

羅鳳鳴 劉 登 辛中信 趙 [REDACTED] 田宗周

尹東潤選貢雲南沅江府通判見人物 胡紹胤 胡紹祚 田養公

張 鵬 楊 惟 閔子民 李 槃城都通判 陰士偉

辛惟豸 藥 羽 刁守謙行唐知縣 葛汝綺 馮鳴時

田舜耕 李子讓 甲一中 董振民 李 棠考隸

丘雲霄 劉逢源 張雲翰縣丞 羅國程 龔白玉柱

尹弘蓄 李嘉猷 劉 斌靈州 王惟才 葛吟南州

尹 勲 德行文章足為世範 劉宗閔 陰廷璜縣知

安國珍順治乙酉 拔貢德行文章卓冠山左初任河

天下第一居卿服官以著述講學為事從遊者數

張發基 羅修已訓導 孫繩昌 王 耀 高攀麟涼州經歷

王瑞訓谷三台訓王嘉亮選劉澄源 李焯

田存正貢田明琦府判王慶庚訓布鶴翔 鹿琅選

例貢

息貢之開因

朝廷持息謂限年歲貢難盡人才使皓首窮經有嘆故設是例羅網豪傑茲途進者多著政声卜式可徵

制貢

雄英王宣丘鑑李紹宗唐璿

于懷杜顯尹崧陰茂傅楫

史蘭張祿張瑋張繼祖張茂祖

張珣張琦李珣杜讓劉倫

孫智張好學孫徽劉漢鄉周思

孫鍾秀屈士偉劉普鄉劉子淳李思義

李維翰王粲考州判張養謙教諭王慶昌任階州同知

武功

戡定禍亂謂之武世胄之裔生長執綯未必人亡能

自振拔若乃超距脫穎之士安內攘外功懋七賞

山河帶礪爰及苗裔世祿之典衆矣圖報者當何

如哉

張隆坊廓社人洪武初從征有功累陞羽林前衛指揮使

趙海洪武初從征有功累陞蔚州千戶

周雄洪武初從征有功累陞遼東屯左百戶

武進士

張應文中正德丁丑科陞肥城所正千戶加贈指揮

僉事

胡衛肥城所百戶中正德庚辰科陞本所副千戶

胡立肥城舍餘中嘉靖丙戌科任本所鎮撫

肥城所鎮撫刁師武中

科陞福建小埕守備

鄭建功中

科任南京蒲口守備

武舉

齊東藩

巳酉車大升科

張耀明科

張宮科

鄭懋功科

丘承霖

古蹟誌

書院亭臺附

凡聖賢藏脩講道之所謂之書院世世守之示首

也古蹟俱存懿範可仰肥城若士與民迄今垂教業信義魯變至道孰非得聖人爲之依歸

大成書院

在城西南三十里舊爲曠書城相傳孔子經遊處土人仰思聖德議建祠塑像以祀孔子又以孔子曾問禮於老聃乃並祀焉迨元至正間有俗僧棲茲地毀舊易新正莊佛像左塑老子右塑孔子遂更名三教堂此亦聖道之一阨也迄明嘉靖二十年知縣劉公諱贊者顧此而歎曰人之迷誤何至于此非大創葺

時不可于是遷佛像移老子擴建大成殿三間東西廂房各五間大門一座中安先師旁列四配扁曰大成書院設門子一名又專置禮生四名掌贊唱導禮儀每于春秋次丁射率師生致祭後至知縣林成立憚于往返裁革二祭以致廟貌衰頹萬曆時有姓問名談者以此事語邑大夫同川李公慨然于裁者復之又鐫碑以傳永久後

清順治中知縣史廷桂議設奉祀人員未果會衍聖府孔興燮行文到縣以寄籍聖裔六十三代孫孔貞

格孔貞楷六十四代孫孔尚瓚孔尚璿給與衣頂免
充奉祀生員承襲免徭又以孔貞保孔尚端孔尚瑜
孔尚呂孔尚選舉出聖派助祭勤勞與闕里一体優
免至

康熙九年棘津尹 任由進士甫涖茲土留意聖祀
時廟宇破壞躬督修整以致煥然重新誠聖德之至
感人者深云

和聖祠

在境內抑攤社地方離城六十里歷代奉祀有人至
前朝天啓年間知縣王惟精申詳嫡派六十四代孫
展芳名奉祀

冉子廟

在城西南二十里冉家庄去廟二十里賜野材有墓
在焉春秋從祀奉祀生冉學雅等八人

牛山書院

在縣西八里蔚葱山內卽狀元張起巖讀書處題咏
牌記存焉後同川李公在此立會講課登科之後後
人遂塑公像於上焉

都君庄

在城西南四十里卽虞舜成都之處有宋王醇德題
左丘明墓詩云永能遷寺還封樹每到都君一淚垂
過化廟

在城南五十里鳳凰山前正殿三間中有孔夫子像
旁列四配殿前栢樹二株俱數百年蒼古參天欽謨
聖裔世居奉祀本廟承繼奉祀生孔貞碩

瞻岱亭

在儒學東北臺上構亭東瞻岱嶽元祐元張起巖碑記在焉
翔鸞臺

在縣治北漢章帝三年有鸞翔於此地其形巋然爲
一方之具瞻

長城鉅防

在城北十五里齊記云齊宣王乘山嶺之上築長城
東至海西至濟州千餘里以備楚今五道嶺上遺址
尚存

景致

艮形坎德增秀方祗故有一邑則有一邑之景致肥

城境接鄒魯乃聖人過化之邦也故書院八景炳靈
合粹宣耀成章爲方區之甲觀

肥城八景 知縣鄭位改增十六景附於後

鸞臺夜月卽翔鸞臺

龍沼春霖在牛山之半

孝堂西照在孝里舖

書院秋風在迷山之陽

清河晚渡在傅家岸

山寺晨鐘在陶山幽棲寺相傳其鐘聲聞百里

牛山疊翠在城西八里

陶洞清幽在城西三十五里

十六景

岱嶽聳瞻 長城遠峙 九泉湧澤 五嶺迴春

柱石擎天 清流印月 狼山烟淨 龍沼鏡涵

七佛傳燈 九仙飛鳥 虎門渡虎 鸞榭翔鸞

書城化雨 孝里和風 陶麓花穠 牛岑棠茂

陵墓

陵墓者瘞王之處也肥城山明水秀故上自周王下

及左丘明等陵墓遠邇相望但世遠王移或利其田
土爲之仆碑蕩跡良可慨也茲特誌之以俟吊古者
之採擇

周王墓在城南二十五里義陽社世傳周王葬於此
梁王墓在城南三十里獨龍山之南世傳梁王至此
崩其村因名王盡

秦王墓在城南五十里六房社秦王峪之山隈有碑
記存焉

左丘明墓在城西南五十里肥河鄉都君庄正覺寺
之西

郭巨墓在城西北六十里東張社孝堂山之陽

趙讓墓在城東北一里永樂年旌表孝子見孝友類
馬家林在城西南十里後漢馬援後裔今名馬庄天
曆三年碑記存焉

寺觀

韓子嘗欲廬佛老之居也寺觀尚志之而不黜者何
母乃啓人心崇奉之端平蓋誌旣載古蹟景致矣
而猶載寺觀者亦聊足以見肥城之勝槩云爾

惠通寺舊在城內嘉靖十年遷於城外南關之南
鬱葱寺卽資聖院在城西八里舊名牛山寺宋真宗
東封幸此地石碑見存

幽棲寺在城西三十五里創於大唐元大定元年重
脩

幽東寺在城西三十五里大封社

天王寺在城西三十里北申社

惠濟禪院在城南三十里創於宋宣和元年

普濟院在城東八里沙溝社

古聖佛禪院在城西六十里高餘社

水月寺在城南五十里鳳凰山之南

空杏寺在城南三十里據碑記畧曰後唐有一避地

衲子來居於此植杏一株於中庭杏熟而核自落

還復合之顆顆圓成因名其寺

彌勒寺在城南五十里唐大順元年民牟鈞建

正覺寺在城西南五十里

延慶寺在城西南五十里

大覺寺在城西南四十里

觀音寺在城西北六十里

聖壽寺在城西北六十里

上元寺在城南四十里

崇果寺在城西南五十里內有甍塔一座後有卧佛
殿劉常夫詩邑人進士王納諫詩知縣史廷桂詩
俱有石刻見存

大明禪院在城西二十五里宋時建

雲溪觀在城東南十八里

佑德觀在城西北八十里元大德年建有元學士李

謙記

南極庵在城東北十五里玄武山前道士李教才建
有邑人都憲李邦珍記

王皇廟在城西北三里櫻桃峪邑人李邦佐李邦弼
創建廟東有王母殿殿前有池謂之瑤池三月三
日士女爭遊謂之赴蟠桃會

泰山行宮在北門外邑人王庭王廕創建

詩文類

結繩逃邈書契代作文之不可以已也故蜎蜎鳥跡

之流蘭絲牛毛俾千百世之下猶得於註脚處見
聖賢精蘊厥係匪輕矣否則木石之災雖多亦奚
以爲

漢壽亭侯風雨竹石刻

不謝東君意丹青獨立名莫嫌孤葉淡終久不凋零
茲漢壽亭侯詩也字爲柳葉篆作風雨二竹直榦高
節披拂淋漓真奪化工之巧不細辨之罔知枝葉
之爲字也四方有用石或木板而摹擬之者聖凡
殊度奚啻天淵今石刻見在儒學明倫堂前魁字
壁左載闕雲長試墨五字

八景題咏

鸞臺夜月

林廷庸 知縣

擎天柱石矗雲端漢代曾聞集鳳鸞憶昔蕭韶音斷
絕祇今玉兔夜光寒仙風吹綠生瑤草蟾桂飄香散
石壇川岳効靈當盛世九苞文彩鏡中看

又依前韻

劉席珍 經歷

元和神鳥集臺端臺至今名不見鸞素魄常臨鸞鳥跡
右高臺空照月華寒觀遊每察災祥事吟咏誰登木

杜壇安得一輪無點翳鸞臺黎庶萬家看

又

張學魯州判

臺空鸞去月長還桂魄香生玉露寒
萬里高懸雲外鏡一輪倒醮水中盤
爭傳樹下鸞乘舞無怪人間顧
兔看李白停盃曾一問令人手載思漫漫

又

辛洋教諭

高臺鸞去幾時還千載空留月影寒
丹桂香中藏玉兔青霄高處轉冰盤
一天星斗雲邊隱萬國山河鏡
裏看有客倚欄渾不寐紫簫聲斷月漫漫

又

史廷桂知縣

閒凭斐几憶文鸞挹得青光高處看
百尺臺空燈火沒三秋暑冷露華圓
影留梧竹龍蛇舞照入松杉歌
推寒一自元和來集後冰絃幾度對闌干

龍沼春霖

林廷庸

天潢倒瀉鬱葱岑派入霧源萬丈深
神物蜿蜒常變化風雷鼓動任升沈
功施九土知時雨澤沛三春濟
早霖陽德効靈臻至治謾言剪爪禱棠林

又

徐祿訓導

迢迢一脈落雲岑尋丈何能測淺深烟霧氤氳時聚散蛟龍變化日飛沉駟馬鬣三春雨派瀉天河萬里霖擊壤歌聲聞四野於今不用禱乘霖

又

雷 楷同知

鬱葱高挿白雲隈洞口龍池一鏡開神物無形何處覓甘霖有意及時來桑麻競發青連靄溪澗交流綠潑醅從此豐年應有望頻聞絃誦迭鸞臺

又

史廷桂

洪濛山色舊登封尺壑傳潛大澤龍魚見吐雲平萬木若時逐電遶千峰春田松乳溪迎竈暮壑抗香水入春夏羨庭莎連雨綠踈籬僧笠度輕筇

孝堂西照

林 賢 福清教諭

埋兒只爲養親顏安有兒埋母忍飡自是老天公道在能令子孝母心安黃金一釜陰中賜青史千年板上刊芳草斜陽久寂寞古今誰不仰高山

又

劉汝讀 主簿

埋兒養母事非常此地因爲孝感鄉一釜黃金天意厚百年青史姓名香高墳百尺迷荒草古木千年帶

夕陽今昔孝堂山下路往來誰不喜傳揚

又

史廷桂知縣

曳手碑陰誦古銘偶緣樵徑拜山靈千重雲樹斜暉
澹百縷烟霞返照冥兕爲母埋情轉迫金傳天賜事
非經祗知孝德同山峙芳草年年煖石亭

書院秋風

古今人說曬書城此地何由得此名宜父過時開典
籍太陽當午照文明獨憐古院基猶在况值秋風景
更清只此可脩聖賢業何須鄒魯訪羣英

又

傅起巖通判

宣聖曾經此地遊荒城依舊枕溪頭時看草色侵窻
几常見文章射斗牛颯颯楓林寒墜雨飄飄梧葉夜
驚秋曬書今已成陳迹千古斯文天地侔

又

史廷桂

赭磴蒼崖石室孤秋風十里蒨芹蕪香吹書帶枯塔
草道契麟符禮壁圖蠹字不隨寒燒盡蚪文寧逐野
燐枯百年俎豆傳芳谷颯颯林飈動碧梧

清河晚渡

丘自成教諭

月如果言
接踵沙頭趁渡河波光隱隱曳青蘿經春涉水行人
少薄晚乘舟過客多幾韻滄浪雲外曲數聲款乃月
中歌時人莫嘆予來晚明日先從此地過

又

徐一鶚監生

迢迢路限通津遠瀾瀾河流拍岸清估客來時歸鳥
沒篙師渡處片帆輕棹歌搖曳空中發漁笛淒涼柳
外聲最是往來離別客夕陽荒草掩閑情

又

史迂桂

蓼洲飛雁夕陽天驅得牛羊古渡邊踏土成烟爭日
落抽柴作揖趁風前載來蘆荻惟供爨剩有魚蝦不
賣錢幾曲菱歌深港裏數行衰柳繫歸船

山寺晨鐘

林迂庸

維摩宮殿隱層巒瀏亮鯨音動遠山非是闍黎初飯
後却隨紫禁五更殘鷲田放却還家夢催起巖城出
客閑鷲嶺雲深閑不住曉風吹送到人間

又

陳尚仁

月隱高城漏已更上方寂寂曉鐘鳴覺來頓洗胸襟
累聽罷都忘寵辱驚雙澗微微和葉落一林隱隱

霜清行人莫問遲和早明日同來聽此聲

又

史廷桂

寒龕佛火夜何長漸聽疎鐘出上方已度翠微紅海
日若衣青嶂白巖霜靈通萬壑松濤寂響入孤窓竹
籟涼平旦氣分須致省其令萌葉牧牛羊

牛山疊翠

林賢

鰲極高撐接太空四時佳氣鬱葱葱雲開勢迫星辰
近雨後花涵錦綉重一氣孕靈鍾頽士萬年聳秀壯
花封雄盤傑峙難爲並獨擅東山第一峯

又

史廷桂

岱宗東望尚百里少憇茲山亦翠微玉輦去來空草
碧金牛隱見獨花飛蘚紫老樹吹鱗小藤覆崎崖展
幔希蔥鬱未因兵革變離宮僅想梵宮巍

陶洞清幽

霸越平吳貴縉紳如何甘卜野人隣謀猷輔主功成
就明哲全身孰匹倫靈窟潛藏千載密扁舟冷落五
湖春居官莫道歸休早知是誰能步後塵

又

張子璿恩貢

鷓夷解綬厭朝簪此地游棲遂隱心巖際碧桃千歲
久洞前綠水一灣深烟霞宿超九俗日月閑中自古
今畜犇治生如可訛便從仙島遠追尋

又

史迂桂

偶尋幽跡問禪關堙洞荆榛未可攀鑑取鷓夷齊地
峯智辭鳥喙越臣班當年花雨因風遠此日松雲
渡水還歎把麋踪弔西子薜烟蘿月滿空山

遊金牛山三十韻

張起巖 狀元

余生愛林壑夢想雲水間倏然外塵囂俗類每相聞
一行墮世網着脚多阻艱回望故山雲逋客幾汗顏
逝矣古肥城岱麓空翠環有山名鬱葱秀色青雲端
中藏古招提簷戶擅林壑我來脫塵鞅幽境窮躋攀
層岡列屏障曲逕穿荆管壞橋擁流水激石聲潺潺
山門勝雄視殿宇凌高寒旌檀矗青瑤文風餘朱顏
斗拱鏤珍木金碧紛爛班老栢數十圍枝柯駁蒼頑
石泉湛清冷古洞秘神筌境與心迹清恍若遺人寰

同遊二三子歛去還爲言迎春初煖日未足稱竒觀

首夏山櫻熟紅珠瑩堪食佳樹影清密好鳥聲綿蠻

松露墜青滴岩雲擁髻髮烟蘿罩明枝靈草封法壇
晴嵐新雲餘飛湍瀉碕灣聞之灑然咲襟懷豁幽閑
更愛讀書堂當年萃衣冠中有擢桂仙聲名藹朝班
建筆壯精舍盛事留茲仙便歆謝簪紱眠雲弄潺湲
午風鳴素琴春醪灑清欵題詩約山靈莫云迂夫孱

又

徐

毅

山東金寧

鬱蘿蔽層巘遠向招提來招提在空谷深入白雲隈
模糊鎖烟霧參差見樓臺聞昔有異僧於此闢蒿萊
登傳幾經世舊業今靡頽空餘石刻在剝落生莓苔
而我愛其境閒寂無纖埃逸响發幽澗涼飈起高槐
停驂試坐久豁然襟懷開詩成日已暝歸路仍徘徊

又

曹宗會訓導

秋林蕭瑟草猶萋携榼登臨謾品題山勢週遭環古
寺水聲滴瀝下前溪老僧久定茅菴靜遊客初來石
逕迷醉罷一壺村市酒長歌歸去夕陽西

又

九霖甫教諭

春來芳草又萋萋偶向空門和舊題雲散好山爭入
坐雨餘新水欵平溪江南地迥思偏切冀北天高望

不迷堪笑此身無定所十年踪跡漫東西

又

彭城隱士

月滿寒塘水色肥山空常有白雲飛
楓林秋晚霜華重竹徑春深日影稀
地僻少逢朱共紫水清宜洗是

又

盧應禎 邑人副宋

迢迢金山寺開延面紫岑論文宗少府麗澤憶同心
寶地風松古龍池花草深歸來烟霧晚月照夜換禽

遊資聖寺

柯一泉訓導

禪宮四月氣猶冷磬管僧迎上玉泉隔岫林鶯聲嘒
歷穿雲宇燕舞翩翩頻催琥珀飛芳壘謾奏南薰弄
朱絃延佇迴廊相眺遠花明石徑月明天

曬書城

程

去聖今逾遠曬書城半荒帙編經草色蚪蚪記芸香
已落猶龍手如存孔子堂斯文元氣動喬木鬱蒼蒼

又

張中復教諭

柔以溪毛奠以漿提我衣兮理我裳六經原不載
釋安得強顏香一堂

又

史廷桂

衰周夫子世轍跡此徑遊日麗文當午風高陽正秋
麟書開碧落鳥字重荒丘問禮亭前拜氤氳紫氣浮
勸農詩
元胡少中濟寧路總管

岱宗高拱萬山陪百里平田鏡面開穀麥豐登梨棗
熟至元癸未勸農來

屏開卷畫四山青沃野桑麻展紙平行盡園林見城
廓五陵鷄犬靜無聲

西道諸城厄水災人民漂沒哭聲哀此方今歲何多
幸力穡逢年酒禁開

城頭突兀倚牛山霜樹殷紅蜀錦斑事簡一朝如一
歲一官無厭養高閑

築堤詩

王乾元

濟南同知

堤城百里障狂流曠社危香日色浮未顧紛紛沸鼎
議祗先反側卧席謀春時坎坎魚蝦岸秋日垂垂稻
黍疇老稗雲烟相跳呼召前杜後爲誰謳

題左丘明墓

寺壓孤墳墳已摧墳前古木亦彫衰未能遷寺還封

樹每到都君一淚垂

又

春秋好惡聖人同聞說英魂葬此中愚俗豈知賢者墓荒村易作梵王宮墟頭藉藉人相踐泉下悠悠恨莫窮前獎革除今可喜盡歸醇德作詩功

又

史迂桂

棠藜三月冷幽阡獨愧牛羊守墓田地傍都君遺俗古樹封盲史綉碑鮮同時記載分經傳一部春秋合聖賢俎豆何人墟魯殿春風階草拜年年

過化廟咏栢

史迂桂

雙栢參天立風霜不記年古香壇石老積翠筆峯連散月寒廡廟停雲濕豆邊空山車轍在默坐悟薪傳遊卧佛寺

張中復

觀風偶到曬書城諸士慳留此地行南望重山雲白白西來一騎陌青青斷碑幾字神常護卧佛千年夢未醒遐想浴沂遺韻在妨山寺樂聲輕

題崇果寺

宋彭城郡王劉常夫

一水灣環迭寺流村深人寂景清幽雖然過客貪行

路望塔穿藤更少留他年投老歸依地蓮社真僧伴
此身王子紋揪藤陰下谷樵應有爛柯人

秋日遊牛山

袁永徵訓導

蕭蕭雨過乍煙晴浙颯秋來一雁橫
搖影柳拖金碎碎亂聲泉落玉琤琤
橋邊岸濺驚瀾溢閣畔香飄轉氣清
遙望四巖幽洞古老僧眠處起風輕

重遊資聖院

黃舒華訓導

爲愛無塵地重遊夜不歸經殘僧伴坐
鐘定鶴停飛雙樹戴青靄千燈燃翠微
前時問禪意更覺轉依依

又

尹東郊訓導

古寺開山峽高僧絕世緣法輪空外轉
智火暗中燃忘已應歸寂逢誰更論禪
自慚疎懶慣頭白向諸天

肥城道中

陳鳳梧

輶車曉發自肥城百里官程盡日行
五道嶺高煙柳暗一溪雨霽石泉清
羶惟光透紗簾細甲騎聲馳羽箭輕
最嘉晴和初夏景奚囊詩句寄閑情

抵肥城口占

自叙濟水庚戌仲秋後一日
偶有叙濟水庚戌仲秋後一日
泉司何

積雨浮林麓寒烟滯繡衣孤亭當樹立一鳥逐雲飛
城廓頽而小人民瘠且稀但求真愛養母事此名肥
次韻 肥令尹任

一職多踈曠逢時念請衣竈無羊載祀澤有雁于飛
鄭繪人人是言歌處處稀公私胥瘠甚猶幸地名肥
壽尹讓公父母 王度戶部侍郎

霏霏瑞靄映華暎此日琴軒啓壽樽芝猷羽仙來闔
苑桃承金母自崑崙三台已卜黑頭相五福應駢紫
綬門試依西風聽美祝岡陵聲沸滿花村

牛山卽事

王度

玄對小樓風味殊景光如許信難圖霞敷榴綻紅噴
火露綴竹搖翠滴珠山色漫排呈黛髻鳥聲和弄動
笙竽月圓有客遺新茗旋汲幽泉試一盃

謁郭孝子墓

史廷桂

颯颯寒飈擁騎行綠山入壑訪高塋木落林空霜徑
滑摘鞍躡屐石梯橫大石列城小者屋曲檻飛甍不
須木嶺巖竅兀是神宮漢碣唐碑左右矗塔前再拜
酬椒漿驚起颺聽走西陽古今功業真腐草至哉孝

德難爲量誰則娛親恐兒死烏難兩哺毋寧子一朝
至性重千秋百金黃金只如此或謂兒埋孝近愚是
茲愚者其誰乎又謂金爲孝所獨得金不盡是吾徒
高踪芳躅同山斗吾儕小人亦有毋捧擻何心半救
無白雲迢遞空回首空回首今得不悲清後孤鶴動
山碑但能服賈承洗腆安用山城小吏爲

登孝堂望洪水

表
清知縣

洪水滔天不復回登高一望心轉哀桑田盡是蛟龍
穴廬舍全沉波浪隈刻鵠莫惜焉夷怒鑄牛無救兩

師災山巖賴有神明護芳躅千年今未灰

又

沃野千家一水隈幾年滄桑真堪哀流離歆繪監門
圖卧治慚無汲黯才瓠子歌興悲夜月桃花水漲轟
春雷爲聞孝德格天地早祈 皇仁遍八垓

登牛山二首

牛山有古寺索寂識禪心春水小橋斷海雲仙洞深
淡懷同野鶴爽氣並遙岑已覺滄洲近烟霞自可尋

又

山城春雨後遠望宜高齊草樹兩岩合碧雲一水隈
明霞連海岸夜月照花臺久有向平志譚深未肯回

明肥城縣儒學教諭李先生祭田記

先生東昌人見名宦

李先生諱衡聊城人也洪武二十五年由明經司諭
肥庠未幾卒於官先生素性廉潔且無子嗣遂不克
扶柩歸請弟子哀之相與營地葬先生於縣治之東每
歲春秋祀先生無缺此雖諸生之厚行高誼亦先生之
秉德貞教足以感之也邇來災旱頻仍先生之祀有
不克次第舉者今歲仲春諸弟子相與哀懇於

邑侯潞陽馬公公慨然捐奉金以修先生祀不佞同
司訓李君先芳揚君三遷率諸弟子展先生墓有尹

生相湯者父子昆季雅以好義稱作而前日李先生
乏祀非諸弟子羞平柰何獨勞縣父母憂等存
門墻師弟之謂何乃捐戶外地環先生墓者三十中
畝爲先生祭田於是請于馬公公深嘉賞之遂檄本
學招佃取租永爲春秋祭祀費仍命不佞記其事立
石墓側以防湮沒先生作于一百年之前而二百年
之後猶使人祀事不替此足以觀先生矣不佞欣
佩鴻誼爲述其梗概如此云

教諭曹懋官撰

宋楊氏義居碑記

李完卿貢

漢蔡邕家木生連枝范畢著其存義邕與從父兄弟
三世不分居唐司徒北平王家猫相乳韓退之著其
父亡子亡兄亡弟亡之應千百世之後簡策燦然藹
有芳猷余嘗思之孝弟之道天性也不爲極異難行
之事然士有篤於此者嘉祥荐臻令聞四出大以得
爵賞小以光州閭何其章亡卓著榮耀人之耳目哉
蓋自周德不兢王綱解紐秦開阡陌民益阻於饑卹
毀卿校民愈乖於教四維不張有自來矣於是富家

子壯則出分貧家子壯則出贅手足之愛或至睽乖
雖貴爲齊相有不內昆弟于門者友于之愛可不傷
乎果能矯世勵俗自振於衆人之中不爲愛欲勢利
所汨以厚同氣之情則祥瑞之報簡編之傳不足惟
也何分於冠冕歟哉今鄆州楊氏者亦其人也著
籍平陰縣翱鸞鄉鄆河里力田務本積貲鉅萬累世
不糴曾祖父祖贊皆以孝弟聞贊尤敦篤宗黨與其
弟贊懼永戴之戚不忍言析居者終其身鄉閭于今
稱之父曰湘篤孝敬事叔母劉愛恭過于所生尤喜
然諾尚氣節有古游俠之風曰岷曰岷曰岷克紹前人增
箴相應更以弟順著聞自治平之初已失怙恃凡財
用之度征役之勞竭誠盡力而無間言閨門之內雍
雍如也吧嘗謂其兄曰吾家不異爨者已三世矣今
若異籍脫衙職之役輕上戶之征易若反掌然吾曹
所重者父祖之緒兄弟之義也與其徇利而害義孰
若厚天倫而成家道哉於是具醴醢會親朋爲之誓
曰以子傳子以孫傳孫同門共財無分異也自是閭
者皆服其義而家之臧獲鷄豚有化而致篤篤行殊效

若董邵南北平王家者殆不可悉數義者以爲孝義所感可不愧於前賢矣其鄉里者愛敬而嘆之欲紀其事揭石於門以告來者卽具事實聞於縣令得遂其請以書屬余爲詞余聞之喜曰昔人分財自取其薄史氏猶爲美談如卜式之徒垂譽無疆况茲能不分者乎是則爲義居之哲者楊氏之美也刻石傳于不朽者鄉里之美也俾成其事欲厚風俗者又縣令之美也舉是三美而書豈獨表異楊氏行誼以爲一時之觀美安知其日不泯於清議之伯白其事于天下乎於是爲之書

元抹漢遺愛碑記

王 載博士

皇元受天明命彊理四海至太宗踐阼凡宗親戚里勲舊大臣皆錫之山川土地以爲分地使之家傳世守乃命所屬每城皆張官以監臨之此監路監邑之設也其濟單兗三州乃皇姑魯國太長公主駙馬濟寧王食邑也先是朝廷以魯卽編戶爲數不敷乃割東平屬邑平陰東鄆之民其爲數四千有奇以益之乃令平陰兼治幾四十載至元十年春籍丘民之數

各立所屬乃析平陰爲二於是建鎮立寨以治之監
邑抹漢曰鎮無城廓何以鳩民若爲遠圖必因舊壘
乃于錦川之東翔鸞之北牛山之南故壘曰肥城古
肥子之國東接泰宗西連平陰北距清亭南通古宛
長官鄒謹佐史郭與博覽傳記云漢章帝時有鸞集
其地因語抹漢以斯地爲可置縣公亦愛其土沃民
淳有桑棗之利稼穡之饒乃不憚寒暑頻年修治謀
於本屬曰肥城隸寧王之食邑向者割分平陰以無
城壁削去事統於平陰名爲濟寧屬邑實附庸于東

平民吾民也顧其治於別郡非計也鄒郭二公又按
傳記平陰東南三舍有古肥城卽今縣署也乃繪爲
地圖啟於駙馬王黼其議乃啟都省以聞於朝是歲
夏四月有旨改鎮寨肇立邑署於今之縣治至六月
李總管同抹漢度地居民公廨儒官驛舍市肆星分
碁布井然有條甫及朞年民皆奠居商旅輻輳蓋公
以便宜行事向時編戶每歲赴府輸賦往返六百餘
里地臨須城有衣帶之水曰鹽河夏月霖潦暴漲圯
橋墊陷無舟可濟馮河者率多溺死公慮民之病涉

乃立園併庫於縣以從民便俾無遠輸之勞十四年
歲次己卯洪水爲害民罹飢餓公與縣尹郭公極力
救荒視民如己悉聞於府於朝乞行賑貸以濟飢民
闔邑編民咸獲更生之賜公征稅省徭役寬刑罰監
邑乃十有八年殆如一日吏畏其威而不敢犯民受
其賜而安其業粵從視篆禮請李教諭璧興學校訓
生徒美風俗兼以敦躋下士喜接寒素時人以平原
君稱之大德二年春余自應奉翰林叨令是邦而邑
之耆儒前儒學諭晉君國昌爲余言公之德之邵嘗
以公遺愛之頌爲請余甚韙之方欲援筆爲公以記
其實適以秩滿而歸茲又叨長胄庠而邑之教諭孫
積及儒生徐克讓都監張若石等採公往日所行之政
蹟來徵鄙文欲銘諸石記公開創之功循良之政以
傳不朽傳曰智者創物若抹漢可謂智者矣公以明
敏之才廉能善政曳裾魯邦非止一日創立肥邑興
學待士救荒濟溺有便于民無不舉行迄今歲月滋
久而君之遺愛在人耳目猶能記之非善政之得民
心何以臻此今公之家嗣克紹箕裘繼爲監邑恪勤

清慎有光前人則忠竭雖死而不亡矣乃爲之序以
其創邑之功愛民利物以示來者而繼之以頌天德
十一年冬十月望日記

頌曰

翩七公子 派出平原 粵從甲歲 曳裾王門
不憚勤勞 創立肥邑 監臨是邦 能輸忠力
公清勤恪 利興害除 監政有年 民生奠居
公雖先夫 遺愛猶在 刻之堅珉 流芳千載

肇建廟學記

元李謙

侍讀學士

肥城漢縣隸泰安郡應邵以爲肥子國今上改元之
十二年始立肥城縣隸濟寧路其監領縣事趙珪以
忠切校尉爲肥城縣達魯花赤爲肥監隸者也旣至
立公廨畫井閭民居甫奠學社爰卜時校尉張禮同
至乃畧定殿址又數年元承事琰至並與珪同經畫
爲聖殿爲賢廡爲戟門爲講授之堂時則典史劉成
米璋實相繼提督二十八年張承事綱來尹茲縣是
年珪之子世公始授進義副尉襲職監隸縣事凡前
功未卒者相繼繕完其先師十哲肖像有儼張弛合

制七十子及先儒則繪於甬廡殿宇峻極門窓儼肅
望之令人起敬又爲祀器以脩春秋釋采之用扁其
講授之堂曰君子取樂正子春所謂肥有君子之義
集邑人子弟教育其中延李璧晉顯忠相繼爲師是
役也邑司達魯花赤長官趙珪始贊襄之其紀綱役
事廉勤奉公則典史張仲也旣成邑人以記爲請謙
曰導民之道惟所欲爲所常見則識之所常聞則知
之耳目熟習而中心不論寧有是理耶矧學校庠序
教化之地民之耳目在焉以之習容觀禮所都者并
降揖讓之儀以之考德問義所聞者季弟忠信之義
朝暮漸染涵養氣質豈前代醇粹不可復乎縣吏去
民爲最近責任所在將誰歸肥密邇鄒魯有孔子孟遺
風前史謂其人多好儒學性質直懷義有古人風烈
今學成教立風俗或有愧于古者吾不信也

加封大成至聖文宣王碑記

張起巖元狀

武宗仁惠宣孝皇帝嗣位之初當大德丁未歲制加
元聖大成至聖文宣王臨遣使者以太牢告祀闕里
越二年淵西憲臣言在昔尊夫子固云重矣然未能

盡其形容

皇朝加錫徽稱誠非前代所及勒石郡邑廟學以彰盛典朝議是之于時守臣恭命有間又十有四年將仕郎主簿劉璋至肥城祇謁文廟大懼無以欽承德意亟謀伐石以鑄之教諭周文信因進士如臯縣丞夾穀企徽來言于史臣張起巖曰願有述起巖竊謂生民以來未有如夫子者欽惟制誥之言備矣苟贅爲稱贊是猶譽天地之大褒日月之明非愚則惑雖然竊有說焉自予賜若及暨孟阿氏推崇之言著于

經獨孟氏因伊尹夷惠而言孔子之謂集大成後世無異譏然加號未嘗及天固有待于盛時也夫所議大成人皆知誦之而未知夫子之道以求其義宜乎有未及也何則蓋徒知大之爲大而不知大之無外徒知成之爲成而不知其成亘萬古而不壞也茲所以繼天立極神道設教而萬世永賴者歟洪惟我皇元武戡定文德誕敷自都郡邑草野荒裔莫不有學作成士類異收實效蓋非止尊顯其名又推致其道以澤斯民也於皇哉士生此時亦何幸歟矧是邑去

聖人之居甚近長民者奉揚右文之懿以躬率之人固有所感而知勸一變至道斯易也學者曷思勉也循也以任重道遠爲事以近利欲速爲戒而有以稱副國家期待之意也乃不敢辭而敬書諗來者云

鄭侯去思碑記

李邦珍邑人監察御史

或問民曷思余曰思生於愛惟愛故思或曰均爲政民有愛不愛何也余曰政也者民之所歧而望以庇焉者也政能庇民其棠致愛矧伊人乎否則苛政如虎民非不畏之也然惟畏威於一時反面則忿恨訕詈將疾讐之不足矧能愛矧能愛而思若鄭侯之政其古之遺愛也已方其遷徐州牧而去也邑人老幼相泣而送之境卧轍攀轅百里不絕去後民思之久如在邑之時乃相率請余言而勒諸石意謂庶覩斯石如親見侯也可以徵愛矣况稔知鄭侯之賢且深有不能已于言者夫肥邑自我國家以來令者非一人令之可稱述者又非一人民皆不之思獨侯去後常見思者何也夫令者固多而循良蓋寡可稱述者固有然或善始而不能善終甚

縱肆汚濫愚民以逞是以人心愁怨方其在任也惟
恐其去之不速望其去而思也得乎惟侯之令肥也
行完而才鉅故施於政之惟良曰禦災築堤完堰民
免昏墊之苦河溢永無患焉曰除惡劇盜就戮民免
焚劫之禍暴橫亦滅迹焉曰平賦屢訟則壤輕咸宜
曰紓困節省里甲月餘僅費百錢而民力以裕曰養老
修廬舍時衣糧而鰥寡得所曰勵俗旌表貞節之間
婺婦悉勸曰振教臨學親講授開導人材以興他如
催科存撫字而罔逋欠營建惟量處而無費換均徭
嚴察訪而鮮偏累以至清倉弊辨冤獄息健訟定戶
口派徵稅良法美意不一而足侯之政可謂愛民如
子而民愛之如父母矣是以侯之既去而人懷思之
至今嗚呼此豈嚴刑峻法之所及也哉蓋嘗論之人
心未附雖勢力不能合人心所附雖勢力不能解節
侯有碑夫豈偶然哉余不佞辭無溢美姑因邑人之
請以紀其實聊備觀風者采焉耳侯福建閩縣人嘉
靖丙午科舉人姓鄭名維邦別號龍津云

萬侯生祠記

李邦珍

吾邑萬侯行其邑之大夫欲作祠以祀之而士則起而爭曰吾賢父母也吾孰不欲祠之而何費獨出於大夫輩耶邑之民間之亦曰吾賢父母也吾孰不欲祠之非惟大夫與士所宜獨捐其費者也而躬相焚瓦畚土負水曳石各出財力以爲懽乃不數月而祠成是可以見一邑之人情矣而猶不自已也偕來京乞余爲之書余曰侯學古之道也未可以輕書也蓋古之學者爲已而不爲人盡吾心而無覲乎其名昔庚癸工之處畏壘畏壘之民尸祝之感慕深矣然庚癸子懼而逃焉避乎名而無求乎人也且觀漢之循吏非一而得以立傳者自蜀郡南陽渤海膠東數人之外不概見焉非故少也以衆皆緣俗而治而數人則能興學溉田弭盜增戶立奇異可紀之功是用書之以表後耳使數人惟升散簿書徵督迎送猶夫人以爲治非不與民相安而比其顛則衆矣焉得人匕而傳之侯之心學乎古而推其愛民之極則去後必歎然以爲治猶夫人也肯自謂皆奇異可紀而欲書之耶是或非侯意也偕來者起而言曰公可謂知侯

矣而未知邑人之自盡其心于侯者也肥城嘗南北
之隩區行部者接軫於道民窮士索閭里蕭然侯甫
下車欲蠲其困乃爲之均戶口定兩稅寬馬銀而民
始安生欲剔其害乃爲之理囂訟禁戲賭省晏會而
民始不擾欲興學校乃爲之聚子弟之秀者擇其師
教焉欲息盜患乃爲之申保甲窮治淵藪而士習始
端不虞始備凡此皆其著者耳故侯在則其民怙侯
去則民懷書之所以誌不忘也烏得而已諸余曰里
父母之愛其子何能終身襁負之育稍長必任其子
往焉子亦何能終身在父母之側然離其側而有感
則必呼而思念其父母父母誠愛之子亦誠不忘也
侯今行矣終身不能怙邑之民邑之民亦終身不能
侍侯之側然必於離後而欲有所書者或侯之所爲
其心誠以爲必如是而後盡其愛故邑人亦誠不忘
於侯而依乚然不能遽已也思侯之政孰非奇異可
紀而當書以傳後者耶侯其聞之必如庚素子之避
矣偕來者再起而謝曰鄙人何知嚮其利爲有德君
知德之言也願勒其言祠下余曰唯乚侯名鵬程別號

濱海燕順義人也登嘉靖癸卯鄉進士今陞濱州知州云

重修城隍廟記

尹庭邑人監
察御史

廟何以也祀城與隍也城隍何以祀也崇報功之典也報功何在也保障防衛禦災捍患功在生民載在祀典其周官所謂有功於民則祀之者與肖像貌者非古也有所瞻仰而敬畏之心生是亦明民者之所不廢故有情屬曖昧者百辨而不解一至神前而不欺事閑隱伏者累官刑而不輸一禱廟而遂明有司

禱雨捕寇之類無不響應其赫靈昭應前記之者詳矣廟在縣治之西北創建于堯明太祖誕膺寶位特崇是祀弘治甲寅沔池張侯守和嘗修葺之迄今歲月滋久棟宇傾圯規制弗備嘉靖丙辰高陵王侯以明進士來令茲邑召集鄉耆質愿者謀茲重修得封君李公第暨良民張仲德總領其綱先是仲德與黃世用等約會積財鄉耆呂富等輔之與會人協心董治相與勸募由是邑之薦紳耆老善良輩樂施貲財輸送爭先固人之向義而神之威靈感召豈淺口哉

于是鳩財陶甃程物僦工新建殿厦五楹香亭一座
假山三峯望石二柱見建二司門獅二座整飭正寢
二殿取增二字左右兩廊廣庑一祠各門甬道之類
皆補葺煥然又以門外車馬之行直矢神祠虞其褻
也遂于門外建屏壁一座合榦雷聲施已業通神道
一區又建鼓樓一楹工與於嘉靖丙辰正月之吉落
成于是歲季秋之末垣墉崇儷儀像烜赫黝堊丹青
繪藻合度內外規模秩然改觀以妥神靈而展特祀
矣李封君筭鑿他山之石請予記焉余聞古人先成

人道而後致力于神孔子曰未能事人焉能事鬼若
夫人者皆修孝友尚德義而敦人道者其以事鬼神
宜也使或不孝不弟無禮無仁壞義利之防墮奸邪
之刑而欲媚神徼福神必不與也雖牲帛之日陳徒
貽神羞耳自今伊始陟降庭上凜然生畏遷善敏德
修己敦倫而香楮之奉神明必享之矣神其默佑吾
人使聿修厥德保障吾人使永享平康則是廟之修
將與國祚同其靈長而億萬年隆崇奉之禋矣

李選朴先生示肥城諸友文

知縣馬經綸請先生爲
諸生請解故有此文

聖門論學以仁爲先論仁以孝弟爲本故學而時習之後便繼之有子孝弟一章蓋以統體論則仁爲孝弟之本而孝弟乃仁之萌芽以發用論則孝弟爲仁而惟父之與子則前身後身兄弟雖分形而實同氣是一體之中此體獨親所謂天之生物使之一本者也故孩提之童無不愛親及其長也無不敬兄良知良能與生俱生不假思慮不待安排真七切七根心而不容已人能孝弟則純是和順之心不敢慢人不敢惡人親吾親以親人之親長吾長以長人之長一點真心觸出流貫民爲同胞物爲吾與究且天地可位萬物可育上下同流渾爲一體太和之氣充滿宇宙亦不過從孝弟起脚推廣這一點真心而已故孟子曰人七親其親長其長而天下平堯舜之道孝弟而已矣中庸稱舜爲大孝武周爲達孝正是全得此心以成其爲仁人也故先王以孝治天下三代之學皆明人倫孟子陳王道亦惟謹庠序之教申之以孝弟之義則修己治人之要大畧可觀矣孔子告顏淵

仲弓爲仁吾以爲亦教之孝弟蓋非禮勿視聽言動正欲其踐形盡性恐一涉非禮便虧體辱親也行親之遺體不敢不敬故出門使民須如見賓承祭出乎爾者反乎爾一朝之忿忘其身以及其親已所不欲安敢加人卽曾子仁以爲已任能承一貫之傳亦不過守身事親全生全歸已耳故曰君子務本又曰立天下之大本惟本故當務惟務本斯本立本立而道生矣諸友有志于道尚從此而孝弟哉

災祥

災祥不常志之者何紀異也蓋禘祥變異世每有之庶徵叙於洪範災筆之麟經故不可遺噫天道遠人道邇人定勝天則返災爲祥矣

弘治五年大旱民大飢流移四方

嘉靖二十八年大蝗

三十一年六月雨雹大水壞城廓民居拔禾傷禾

三十二年大饑斗米貳錢民不聊生死者相枕藉

三十四年旱蝗食穀豆殆盡

三十八年縣鍾不鳴縣官禳之卽鳴如故

四十年四月風霾咫尺不辨

四十三年四月初四日夜有星孛於西北其光燭地
俄聞天鼓鳴

隆慶二年四月初五日風霾晝晦

三年蝗蝻生秋霖雨害禾稼

萬曆四十三年至四十五年三年旱蝗相連人民相
食死者枕藉

崇禎十三年旱蝗相集禾稼盡傷甚而母子兄弟夫
婦相食慘不忍言人民死者以億萬計

十四年盜賊蜂起士民守城冬十一月初更黑風對
面莫辨城上刀鎗頭俱有火光如星至半夜乃威
康熙七年六月十七日二鼓地動震倒民房打死頭
畜無數

邑人尹足法王 瑞校正

生員李運昌考索

生員羅恕已男奇生

生員傅 健仝書楷

鳩工劉珠

梁鄒梓匠役邢標同

徒劉玉昇

肥城縣誌後序

邑之有志猶國之有史也所見必載
所聞必載所傳聞必載凡夫忠孝節
義載之以垂訓誡古蹟往事載之以
備考稽至若鳥獸鱗介布帛蔬菜載
之以備采取不然前者罔稽後者弗

傳其何以昭示來茲垂訓後禩哉肥
城舊原有志自兵荒之後焚毀無餘
予每嘆肥之缺典莫此爲甚迨康熙
十一年棗強

尹侯來撫茲土振頽補弊百廢俱興且
致慨於郡乘之必不可缺也於是遠

稽廣求類帙成卷不踰月而書成俾
久曠之隆典幾絕而復續於今則可
信於後則可傳凡得是書而展卷拭
目罄肥之可記者不一覽而無遺也
哉千百年之後寄跡無窮良足爲一
邑之文獻而

侯之有功於世教豈淺鮮哉予忝是邑
學訓幸觀厥盛於一時因命工壽梓
以垂永久云

肥城訓導鉅野鄧國球謹序

